

SENA LEZA ULACINCA

MUZEEZO WAKWE?

 . . . Leza. Katu ciimvwi a mitwe yesu kiikoteme, asyoonto buyo.

Taata Wakujulu, twa Ku lumba ku cintu conse caluzyalo Nco katupa. Ta tweeelwi ku—ku cilongezyo Cako neciba comwe. Ezi nzilongezyo ncobeni zitali zyaku zyeelelo nzo tutambula. Elyo twa komba, Leza, kuti Uyo zumanana kuba a ndiswe. Kabeenda buyo mukati a kumvwa muuya oyu mubotu mu muswaangano, Ndi lizi uzwa kuli Nduwe. Aboobo Nda komba, Taata, kuti Uyo zumanana ku zwidilizya muswaangano sunumasiku, a Busyu Bwako, a kuponya balwazi boonse a bapengede. Ko cipa. Akube kuti obu bube ii—ii busiku upati obo mbo tutalubi cakufwambaana, nkaambo ka Busyu Bwako. Twa cilomba mu Zina lyu Jesu. Ameni.

² Ndi yanda kulilekelela ku kumuka loko mangolezya aindia. Njo sola kufwambaana sunumasiku, alimwi kutegwa buyo tu konzye kubinda a—a kukombela balwazi. Nda limvwa kabotu ncobeni kujatikizya muswaangano wa masiku aindia. Ba kali kuboneka mbuli kuti bakali bantu banji baka ponesegwa. Elyo Nda kajisi lugwasyo lunji, bantu boonse kabakomba, a antoomwe. Eyo nje nzila mbo twiimvwi. Aboobo, Mwami amu longezye. Lino, Ndi yeeya kuti, juunza masiku tweede kuba. . . . Nda yeeyela ba caambilizya kale. Bwalo mbusena bumbi—bumbi. Yaa.

³ Lino atu jule mu Bbuku lyu Myeelwe, cipati ca 22, cakubinda ncobeni, ku cibalo buyo cisyoonto, ku citika bukanazi busyoonto, elyo mpawo tuyu bikka bunji bwa ciindi mu mundando wa mipailo.

⁴ Billy wati wa vonzya makaadi manji loko, myaanda yobilo na yotatwe ya ngawo. Elyo ciyo tola ciindi cikubwene ku bamana kwiinda mu mundando wa mipailo, aboobo Ndiyo—Ndiyo kanana buyo kwa maminiti masyoonto, kutali maminiti aa makumi otatwe, ikuti na kulakonzeka, elyo mpawo kutalika mundando wa mipailo, kukombela balwazi. Mu Deutronomo, mu. . . Amu ndijatile.

⁵ Myeelwe, cipati ca 22 a kampango ka 31, Ndi yanda kubala ceeci.

Elyo Mwami waka vumbula meso aa Balamu, nkabela wa kabona angelo wa Mwami uliimvwi mu nzila, a panga lyakwe kalisomwedwe mu janza lyakwe: nkabela

wa kotamika mutwe wakwe, a ku vundama mba ku busyu bwakwe.

⁶ Lino eci inga calimvwsiya kuba cibalo ciniini cinyonganya ku buyo kupa—kupa kwiima a kuba amulimo waku ponya. Elyo Ndiyo sola kuba a mundando wa mipailo utalikila aa naini okuloko, ikuti na kulakonzeka. Lino Ndi yanda kubweza ciiyo sunumasiku: *Sena Leza Ulacinca Muzeezo Wakwe?*

⁷ Nywebo mulizi, inga twa cinca mizeezi yesu, alimwi nkaambo tu—tu laiya bwaandene aniini, tu lizi kuti twa kali lubide.

⁸ Pele Nse syomi kuti Leza inga wacinca muzeezo Wakwe. Nkaambo, na Ula cita, mpawo Ta konzyi nconzyo kuba mumpatikampatila, alimwi Na kabamba muzeezo mubotu ikuti na Wa kali kuyo ucinka. Aboobo Wa... I lusyomo olo Ndwe jisi muli Nguwe, olo—olo Ndwa ta cinci muzeezo Wakwe. Nkaambo ikuti na Leza wasola kusala, We elede kukkala a muzeezo oyo. Mwabona? Elyo ciindi aciindi penzi ndilyonya lyasika, We elede kubeleka mu nzila njiyonya Nja kacita ciindi citaanzu, na Wa kalubizya mu ciindi citaanzu. Mwabona? Aboobo cila tupa abusena bumwi kuba a—a lusyomo lwa mbaakanu. Lino ta tukonzyi...

⁹ Iiyi, lusyomo tacili cintucimwi catuvu litajisi, cakuti inga walyuulusya awa akokuya kubusena bumwi bumbi. Calo ncintu ncoelede kuba masimpe. Ceelede kusitikila. Alimwi, eno, Nse konzyi kusimpa lusyomo lwangu a lwiyo lumwi lwabukombi. Keelede kuba kasimpe kasolekedwe Nke taninga konzya kuba a Lusyomo.

¹⁰ Mbuli buyo mwaalumi kasala mukaintu, ku kwata. Baa, walo, weelete kuba a lusyomo mu mwanakazi oyo ngwa kwata, na ula libambilu ncobeni ku mapenzi manji. Mwabona? Aboobo weelete kucita, uyandika kuba alusyomo, tusimpe tumwi tutonkomene, lusyomo lumwi lwa kusimpila mpawo; aa ijwi lyakwe, aali eco muntu umwi uumbi ncaamba, na cintu cimwi. We elede kuba a cintucimwi cakubikka busyu bwakwe, lusyomo kuyabuya.

¹¹ Aboobo Ndi limvwa kuti, kuswaana Leza, kuli cintu comwe awo Mpe konzya kusimpa lusyomo lwangu nkabela eelyo ndi Ijwi Lyakwe.

¹² Nkaambo, tu jisi mizeezi yandeene, munsi loko toonse swebo. Twa kali kunga twa kkala ansi a kuunka akwalo kwaambaula makani aa cintu cimwi ca kulya, baa, inga twa impana aa cintu cimwi cakulya; elyo twa kabambwa bwandeene, kuyandisya kwesu kulandeene. Elyo nkikaako cibamba mambungano, tulaabona kajisi mizeezi yawo iindene kuli ceeco ciluleme aceeco citaluleme. Eco citupa, umwi aumwi, coolwe ca kubweza kusala.

¹³ Pele, kuli ndime, Nda—Nda syoma kuti Ijwi lya Leza lili luleme. Elyo Nse—Nse syomi ku bupanduluzi bumwi bwamuntu. Ndi cisyoma buyo mbuli mbo Lya amba, obo Mbwini. Eyo nje nzila Mbwe libweza, ambaakani buyo ya Ndilyo mukuba Ijwi lya Leza. Lino, Nse jisi lusyomo lukubwene, ndiza, kubamba konse kwa ncico kubeleka, pele nconzyo inga Nse yanda kwiimikila mu nzila ya muntuumwi waka jisi lusyomo lukubwene lwaku Li bamba kubeleka.

¹⁴ Mbuli, kupa mukozyanyo, Enoki waka jisi lusyomo lunji olo lwakuti takeelede kufwa. Wa zwaal kwendeenda kulyoolola masikati, aku katala awa a nyika nkabela waka zumanana kweenda kutanta kuya ku Julu. Inga ndayanda nconzyo kuba alusyomo mbuli olo. Pele ndi syoma kuti tuyu kujana lusyomo olo buzubabumwi, mbuli mbo tuyu bukomena muli Nguwe. Lino lwesu... .

¹⁵ I kaambo nce Nda kasala busena obu, nkaambo kuboneka mbuli kuti awa, kuli ndime, ncimwi ca masena mu Bbaibbele inga bwaba ii—ii busena bwakukazya ku cibalo sunumasiku, nkaambo ciboneka mbuli kuti Leza wakacinca muzeezo Wakwe, a kwaambila Balamu cintu comwe cakucita elyo mpawo kamwaambila cintucimwi cimbi kucita. Aboobo Nda kayeeya, ndiza, kwa kaindi buyo kaniini, tuyu sola kululamika eci aniini buyo, a kubona eco Nca kamwaambila kasimpe.

¹⁶ Aboobo lino ku bupanduluzi bupati obu. Tu lizi kuti Balamu wakali i—i—i musinsimi. Elyo Balaki wakali mwaami wa Moabu, ku ciindi eco. Elyo tee bakali bahedeni, kutala kuli Moabu, baka belekela Leza nguwenya oyo Israyeli ngwa kali kubelekela. Nkaambo, Moabu, cisi caka janwa kwiinda ku mwana wa Lota, kwiinda ku mwana wakwe musimbi, elyo aboobo baka belekela Leza nguwenya. Ikuti na mwalandisya, zituuzyo zyabo a zintuzyonse zyakali kozyenye ncobeni, misyonga, alimwi awalo bagutu bambelele, kukanana Kuboola kwabili. Elyo lino ikuti na ciimo camulao koonse oko Leza nkwayanda, mpawo Moabu wakali simbaakani mu cituuzyo cakwe mbuli obo Israyeli mboya kabede. Pele tula zijana lino, Israyeli ili mu bweende bwa kutobela Ijwi lya Leza, ku nyika eyo nja ka basyomezya. Elyo baka boola... .

¹⁷ Awa inga caba cikozyanyo ca kunyama a kumuuya, muswaangano. Elyo cindi cakunyama a cakumuuya caswaangana, lyoonse kuli kupwayana, nkaambo zila umputana ku mitwe kuli cimwi acimwi. Elyo Israyeli awa, inga, Ndi yanda kwi iminina mbuli Mbungano ya kumuuya; elyo Moabu mbuli mbungano ya kunyama, mbungano yabuyo, njo twiita kuti, mbungano ya kunyama.

¹⁸ Elyo toonse tuli masimpe kuti kuli ii—ii mbungano, alimwi kuli Nabwiinga kazwa mu mbungano eyo. Tu lizi obo, kuti obo mbwini.

¹⁹ Elyo zila pwayana awa. Elyo tula bona kuti cindi niba kabbadela awa, caka boola kunsi lya cintucimwi eco Nce yanda kukanana asyoonto ali ncico. Eelyo mbo zya kapwayana buyo, elyo imwi yakabona umwi ncakali kucita, kwakali kuli kozyanisya kupati, imwi kuli imbi.

²⁰ Alimwi mpaawo mpo tu cijana asunu, kuti tujana kuli kozyanisya kunji. Elyo cindi wacita ceeco, lyoonse uli mupenzi. To konzyi kupona buumi bwa mulombwana umbi. Ta tukonzyi kukkopela cintucimwi. Twe elede buyo kuba obo mbo tubede. Ta mweelede (tamu) kusola kucita. Ikuti na mulombwana *oyu* ucita cintucimwi; nkaambo ula cicita, ueyeya kuti weeleder kucita, ayebo. To citi ceeco. Uli mugame, kuli Leza. Elyo ta tweeleder kusola kukkopela umwi aumwi.

²¹ Elyo lino, Israyeli, moonya mu bulizi bwa mulimo, kamacing'a ku nzila yabo ku kulailila, kwiinda ku mulao wa Leza, ku nyika ya cisyomezyo, baka kankama kuli Moabu, nkamu imbi ya basyomi.

²² Elyo Nda syoma eci tacimvwiki bubi loko. Pele bupanduluzi buniini Ndi yanda kubamba awa kuti ngu, Moabu kakkalikide mu cisi, wa kali kukozyanya mbuli makani aakabunga. Wa kajisi basimpupo bakwe, a balemekwa bakwe ba i...ba bwami bwakwe.

²³ Pele Israyeli wakali i—i sikutuntulika buyo. Tii baka jisi busena bumwi mbo bakaunka. Ba katuntulika buyo mbuli Mwami mbwa kabasololela. Lino, Nda syoma, awalo, Balamu, kumane mu cisinsime cakwe, wakati, “I bantu inga tee baba akati ka masi. Inga kwaba buyo kunyongana.” Elyo mbo cakabede lyoonse. Elyo tu jana kuti, kupwayana lwakasika.

²⁴ Mbubonya mbuli Kaini a Abela, abalo baka boola antoomwe mu kupwayana. Elyo balo mukuba banabakwabo, alimwi bobilo kuzwa kuli banyina bomwe, Eva. Elyo tu jana kuti bakamvwisya kuti bakali bafwika, alimwi baka tandwa kuzwa mu Buumi, kuzwa ku muunda wa Buumi. Elyo boonse bakali kusola kujana nzila yaku jokela Omuya. Elyo ikuti na mwalangisya, balombe bobilo bakali bakombi maningi. Kaini wakali mukombi buyo mbuli Abela mbwa kabede. Elyo bobilo bakayaka zipaililo, bumbi, mbungano. Boonse bakali kupanga cituuzyo. Bobilo baka komba. Elyo ba—ba kabelekela Leza, bobilo babo, pele umwi wabo waka Mu belekela buteelerde.

²⁵ Lino, nywebo mwabona, inga kosinizizye loko lyonse nekubaboobo kotaluzi. Inga walubizya. “Kuli nzila eyo iboneka kabotu, pele mamanino anjiyo ni nzila zya lufu.”

²⁶ Lino tu—tu bona kuti eci cakali bwini loko kuli Kaini a Abela. Elyo cindi niba kabona... Kaini wakabona eco cituuzyo ca Abela caka tambulwa. Elyo, inga Nda ima awa kwaamba kuti, nkaambonzi Leza nca katambula cituuzyo cakwe? Nkaambo kakuti—kuti wa kali... Ku ciyubunuzyo, wa kamvwisya kuti

taakali maapele, na Nda syoma lino bali ijisi pomegraniti na cintucimwi eco ncoba kalya mu muunda wa Edeni, eco cakaleta cibi. Elyo wa kajana Adamu...na, Nda amba, Abela waka cisyoma eco (walo) bwakali bulowa. Obo, mbo bwakabede ncobeni. Elyo Abela, ku ciyubunuzyo, lusyomo, wakatuula kuli Leza cituuzyo cibotu kwiinda ca Kaini; eco Leza nca kalungulula kuli ncico, wa kali mululami. Mwabona? Elyo Mbungano yoonse iyakidwe aa ciyubunuzyo ca Buleza ica Ijwi ly a Leza. I coonse...

²⁷ Jesu wakaamba booboo. Buzuba bumwi, kandi selemuka kuzwa ku cilundi, Wa kati kuli basikwiya Bakwe, “Ino mwaamba kuti Ndi meni nde Mwana wa muntu? Na ino bantu baamba kuti Ndi meni?”

²⁸ “Elyo bamwi babo bakati, ee, Nduwe ‘Musa,’ Nduwe ‘Eliasi,’ na ‘umwi wa basinsimi.’”

Wa kati, “Pele Mwa amba kuti Ndi meni?”

²⁹ Elyo Petro wakaamba kaambo ako kapati, “Nduwe Kristo, Mwana wa Leza muumi!”

³⁰ Wa kati, “Ulacoolwe yebo, Simooni, mwana wa Jonasi.” Elyo njeeyi nkazyanyo mpati akati ka basyomi.

³¹ Lino mbungano ya Katolika yaamba kuti, “Ngooyo Wa—Wa kayaka Mbungano Yakwe aali Petro, nkambo Wa kati, ‘Nduwe Petro,’ bbwe liniini, ‘atala aa bbwe eli, bbwe liniini, Njo yaka Mbungano Yangu.’”

³² Ee, lino, muna Protestant ulu syoma kanji kuti wakali aali Lwakwe oyo Ngwa kayaka, aali Nguwe, i Bbwelyacisiwi. Pele, nywebo mwabona, Wa kali Ciswi cabuyake ku buyake. Nda syoma obo Mbwa kayaka Mbungano atala...

³³ Kutali kuba wandeene, pele, nywebo mwabona, mubuzyo wakali wakuti, “Nguni bantu ngo baamba kuti Ndi me?”

³⁴ Elyo Petro wakati, “Nduwe Kristo, Mwana wa Leza muumi.”

³⁵ Wa kati, “Ulacoolwe yebo, Simooni, mwana wa Jonasi, muntu uulya maila taku yubunwida ceeci. To kaiya eci kwiinda ku kwiinka ku seminari. Mwabona, toka ciiya eci kwiinda ku makani aakabambwa aa bantu. Pele Taata Wangu, uliku Julu, wayubununa eci kuli nduwe. Mwabona? Atala aa mwaala oyu Mpe nzoyakila Mbungano Yangu, nkabela milyango ya gehena taikonzyi ku Izunda,” ciyubunuzyo ca kumuuya ica Jesu Kristo, Uuli ndi Ijwi. Mpawo inga bwaba Bwini bwa kumuuya bwakayubununwa ibwa Ijwi, mbuli mbubonya oko Mbungano mpoi yaama.

³⁶ Ndi yeeya kuti ncencico Abela nca kajisi ku matalikilo, ciyubunuzyo ca kumuuya kuti tii wakali mucelo wa mu muunda na milimo ya maanza esu, na zimwi zimbi. Bwakali bulowa. Elyo wa katuula kuli Leza cituuzyo cibotu kwiinda—kwiinda Kaini mbwa kacita.

³⁷ Tula jana muli Abrahamu a Lota, cintu nciconya, mu kusala, nkaambo Lota wakainka kunselelo, ciindi nicakasika, cindi mbungano ya kumuuya a i—i yakunyama nizya kapwayana, nkaambo kaba sikweembela matanga. Ba kacita kwaandaana umwi aumwi. Elyo kufumbwa cindi eci cacita, cibamba bbivwe.

³⁸ Tu jana kuti Abela, nkaambo Leza waka mutambula, elyo Ta katambula cipaizyo ca Kaini cibotu, wa kali cibelekela anguzu loko. Elyo wakali mukombi, a kukotama a kukomba, azimwi zimbi, kacita zintuzyonse ezyo Abela nzyaka cita, biyo ta kajisi ciyubunuzyo ca ceeco cakali bwini. Aboobo tu jana kuti, cindi Leza nakatambula ciyubunuzyo ca Abela a cipaizyo cakwe, caka bamba Kaini kuba sibbiwwe kuli Abela. Elyo ngooyo wakali mujayi mutaanzi.

³⁹ Tu jana kuti bbivwe eelyo lyakaba akati ka basikweembela matanga iba Abrahamu a Lota, nkabela bakacita kupambukana.

Tu jana kuti Musa a Kora baka jisi kupwayana, abalo.

Jesu a Judasi baka jisi kupwayana.

⁴⁰ Elyo mbuli lyonse, cali cintu nciconya, alimwi mbubonya mbo cibede sunu, mbungano ya kunyama a mbungano ya kumuuya zili jisi kupwayana cindi zya boola antoomwe. Lino, cakunyama cisola kweelana a cakumuuya, lyonse a kuli kozyanisya kwa kunyama. Pele, mbuli mbo cakabede kuli Esau a Jakobo, ta cikabeleki.

⁴¹ Leza ujisi Mbungano Yakwe yakaitwa, yakauzikwa, yakabikkwa ambali. Elyo mu bukkalo obo Mbwa pona mo, Uyo liyubununa Mwini kuli Nguwe, alimwi ciindi aciindi coonse, mbuli buyo Mbwa kaamba muba Roma cipati 8, kuti kuzibakale na kukanzwa kwa Leza inga kwaimikila masimpe. Kaini, na Nda amba...

⁴² Easu a Jakobo, mulombe aumwi kataninga kuzyalwa, kaba taninga akwalo kuba coolwe cakulisalila, Leza wakati, "Nda sulaika Esau a kuyanda Jakobo," nkambo Wa kalizi eco cakali muli mbabo, kuzwa ku matalikilo. Elyo tu lizi...

⁴³ Amubikke eco mu mizeezo, Uli zyi eco cili mu moyo wanu. Uli zyi eco nco pandulula. Takukwe makani eco nco twaamba, Uli zyi eco nco wamba.

⁴⁴ Elyo lyoonse cakaleta penzi. Elyo balo, i...lyoonse, cabulenge lyoonse cisola, kuzwa Kaini naka nyonyoona Abela, i cabuntunsi lyoonse basola kunyonyoona nguzu zya kumuuya. Tula cijana cintu nciconya sunu, cintu nciconya asunu. Ci tondezya kuti cizwa kwa Saatani, nkaambo ndi bbivwe a kuli kozyanisya kwa Bwini.

⁴⁵ Aboobo, tula syoma ncobeni kuti Leza tacinci muzeezo Wakwe kujatikizya eco Nca kaamba. Ula Ci bamba kuba bwini lyoonse.

⁴⁶ Pele Ujisi luyando lwakuzumizigwa. Lino, awo, awo penzi mpolibede. Tu sola kubeleka luyando lwa Leza lwakuzumizigwa, nkabela Uyo cizumizya. Pele akwalo ikuti na twa bweza luyando Lwakwe lwakuzumizigwa, nekubakuti tacili kabotu, Uyo bamba luyando Lwakwe lwakuzumizigwa kubeleka, antoomwe, ku kulemya luyando Lwakwe lulondokede.

⁴⁷ Taakwe cintu ciya kulubila, kuli Leza. Tuli... Uli zyi awo nkoloko mbo yeendela, sunumasiku. Kwiina cintu cilubide. Kabeela koonse kali mukuma mbubonya buyo nzila mbo ceelede kuba, zintu zyoonse. Tu yeeya kuti cili lubide, pele Uli zyi kuti cili luleme. Ci leelede kuba mbuli boobu.

⁴⁸ Mbuli ku matalikilo, Leza waka zumizya buyo cibi kuboola. Ta kacita, kutali... Olo tii lwakali luyando Lwakwe lulondokede.

⁴⁹ Pele, nywebo mwabona, Leza, Muuya mupati, Taata, muli Nguwe mwakali bube, a zintu ezi nzo mubona kazibisigwa lino mbube Bwakwe buyo bulibonya. Wa kapona alikke, Ta kali Leza akwalo; Leza wakali cintu cikombwa. Wa kali Umwi Mupati Utamani. Elyo muli Nguwe mwakali bube, mbuli boobu kuba Taata, kuba Mufutuli, kuba Musilisi. Elyo lino, mbobuti Mbwa kali kukonzya lutaanzi... Wa kacita kuba Taata, nkaambo cila tondezya kuti Wa kali Taata, pele Ula kkala alikke. Walo alikke tafwiki. Elyo, lino, pele bube Bwakwe bweelede kutondezegwa.

⁵⁰ Lino, kuba Mufutuli, kweelede kuba cintucimwi cisweeka. Elyo Leza takonzyi kusweekelwa cintu cili coonse cabukanze elyo mpawo ku cinununa. Inga tee kwaba ku busalali Bwakwe a lubeta Lwakwe lupati. Pele Wa kabikka muntu aciimo cakulisalila kulilemeka, mukuziba kuti muntu inga wakawa. Elyo muli eco, mpawo, Wa kaba muntu, Mwini, kutegwa anunune muntu oyo wakawa. Ako nke kaambo Jesu ncakali Emanueli. Ikuti na Leza wakatuma muntu umbi kunze lya Nguwe, nko kuti oko nikwaata lulama. Leza wakacita kusika Mwini a kubweza busena. Alimwi Leza taka konzya kuseluka mu Muuya akubweza busena pe, Wa kacita kuba mubili, mu mubili wa Mwana Wakwe Mwini wakalengwa.

⁵¹ Elyo Wa katondezya awa, ku matalikilo, kuti luyando Lwakwe lulondokede lwa keelede kulenga muntu kuzwa mu bulongo bwa nyika. Pele, nywebo mwabona, Wa kazumizya nkewela ku yobololwa. Taakwe naka kanzila bana kuzyalwa kwinda kunkwela, pele kwaka zumizigwa, kwalo calino kuya kumana.

⁵² Lino tu jana kuti Moabu wakali wamusokwe, ku-ku kutilika, nkaambo wakali mwana wa Lota, kwiinda ku mwana wakwe musimbi. Lino amubone, mbuli mbungano yabuntunsi, Moabu iiminina i—i mbungano yakunyama, Moabu ilacita, a Israyeli, mbungano ya kumuuya. Lino, Israyeli, nabwiinga, wakali i... wiiminina bakaitwa kuzwa.

⁵³ I Mbungano Lwayo, ibbala *mbungano* lyaamba “bakaitwa, bakazwa,” abo bakazwa. “Amuzwe muli nguwe, bantu Bangu! Amwa andaane, mbwaamba Mwami, nkabela Njo mutambula kuli Lwangu. Muta gumi zintu zyabo zitasalali.” I Mbungano ya Leza yakaitwa kuzwa mu inyika, kuzwa mu lupyopyongano lwa inyika. Ta mucili ba inyika.

⁵⁴ Mbuli mbo Nda kali kusola kwaamba, busiku bumwi, kuli ndinywe, ndeelyo cindi waziba kuti ujisi cizibyo ca lununuko lwako—lwa lwako Lutamani ndyoonya lino muli nduwe, kwiinda ku lubbizyo lwa Muuya Uusalala, waka mupononosya kale. Mwa kabuka a Nguwe lino, alimwi tuli kkede antoomwe mu masena Aakujulu, muli Kristo Jesu. Mwabona, to cili wa inyika. Ikuti na uyanda inyika, a kusukamina kwako kucili aa zintu zya inyika, mpawo luyandisyo lwa Leza taluko akwalo muli nduwe. Mwabona? Tu zwa, kwaanguluka ku nyika. Takucikwe limbi kuyandisya.

⁵⁵ Mu ba Hebrayo, Nda syoma cipati ca 10, kati, “Kwakali kwiibaluka kwa kuzumanana kwa cibi, mwaka aumwi, oyo mibili wa banyama wakatuulwa. Pele mu kaambo aka, mukombi waka salazigwa lomwe ta cijisi limbi manjezeezya aa cibi, taacikwe kuyandisyua kwa cibi.” I cintu coonse canyonyooka kuzwa kuli nduwe, nkaambo waka pononosegwa mu Buumi bupya.

⁵⁶ Elyo mpawo mbungano yakunyama ni nkamu buyo ya bantu mu tubungwe, abo bakasangana. Tai cili...Nse ciiti kuti ni “mbungano.” Nse yandi kutondeka kuli njiyo. Ndi yanda kutondeka kuli ncico mbuli “cisangabalilo,” cisangabalilo ca Methodisti, cisangabalilo ca Baptisti, cisangabalilo ca Pentekoste.

⁵⁷ Pele Mbunagno yakazwalwa alubo eli muli Kristo Jesu, ezyo nzilenge zipya. Elyo aboobo tu cibona eco, kuti Leza ula bamba Ijwi Lyakwe.

⁵⁸ Lino Moabu wakabona, Moabu wakalanga ansi ku muunda a kubona Leza keenda akati ka bantu aba batali cisi cakabunga. Ba kali kwiimpauka buyo koonse, kuzwa ku busena kuyaku busena. Pele cintu ceenzu, kuti, ba kaboola aa masi aya nkabela baka babweza. Zintuzyonse zyakali mu lweendo lwabo, ba kazitola. Lino, baka jana kuti, Moabu kailanga. Balaki, wa kalanga ansi aa cisi ca Israyeli, elyo wa kati, “I bantu bavumba busyu boonse bwa nyika.” Wa kati, “Elyo balaa cela masi, mbuli buyo musune mbwa cela bwizu.”

⁵⁹ Elyo ba kajana kuti, cimwi ca bulempo bupati bwakali obo nzila mbo bakajana ciyubunuzyo eci cipati, kwakali musinsimi akati kabo. Ba kajisi musinsimi, lino, umwi waka basololela. Tii cakali ciyanza cakapangwa aabantu mbuli mbwa kabede, baiminizi bakwe—bakwe a nguwe, azimwi zimbi, pele walo

a balemekwa bakwe. Pele baka jisi ii—ii musololi, musololi wakaitwa Cabuleza.

⁶⁰ Elyo, oh, ino mbuzuba bwa kuusa mbo bwakabede, cindi mbungano ya kasiya kuzwa ku busololi bwa Buleza ibwa Muuya Uusalala, a kusala bishopo na kufumbwa cintu cimbi kubweza busena Bwaco. Bwakali buzuba buuside. I Muuya Uusalala weelede kuba musololi wa mbungano. Wa katumina kusimpikizya Majwi a Jesu Kristo, kukubamba mbungano kuba ipona mbuli mbuya kacita kumatalikilo.

⁶¹ Kutali ciindi cilamfu cakainda, cikolo cizizilwe omuno mu—mu dolopo eli, seminari. Elyo bali jisi omwe mu Phoenix. Elyo umwi wa baalumi, na basicikolo basyoonto, wakali, kaboola kuli ndime a kuti, “Tula kuyanda, Mukwesu Branham. Ta tujisi cintu alubo’ yebo, pee, pele tu yanda buyo ku kululamika.”

⁶² Elyo Nda kati, “Ee, Ndi yanda kasimpe kululamikwa.” Aboobo, elyo aboobo Nda kati, “Ikuti na Ndili lubide, Nse yandi ncobeni kulubila; Ndi kanana ku bantu banji loko.”

⁶³ Elyo wa kati, “Ee, ndeeli penzi lyako.” Kati, “Yebo usola kuzibya, na kupona alubo, bukombi bwa buapostolo. Cindi, bukombi bwa buapostolo nibwa kamana a baapostolo.”

Elyo Nda kati, “Iiyi, munene.” Nda kati, “Ee, lino ikuti . . .”

Wa kati, “Lino, inga Nse cikazyanya a nduwe.”

⁶⁴ Nda kati, “Inga necita ambebo. Ta tuciti. Ta tweelede kucita ceeco. Tuli babunyina.”

Elyo wa kati, “Ee,” wa kati, “Ndi yanda buyo kukugwasya.”

Nda kati, “Ndili libambilide ncobeni ku jana lugwasyo.”

Elyo wa kati, “Lino, nywebo mwabona,” wa kati, “lino i . . . obo mbwini.”

⁶⁵ Elyo Nda kati, “Lino, mukwaambaula, ta tweelede kubelesya mabbuku aziiyo.” Nda kati, “Nse kobelesya lyangu,” alimwi Nse jisi lyomwe cita *Eli* limwi. Pele aboobo—aboobo Nda kati, “Nse kobelesya bbuku lya ziiyo, cita Bbaibbele. Alimwi, nywebo, tu belesya buyo Bbaibbele.”

Wa kati, “Ncibotu.”

⁶⁶ Nda kati, “Lino, tu syoma kuti Leza wakapa mbungano yakatalikila ku Buzuba bwa Pentekoste. Sena mula zuminana aceeco?”

Wa kati, “Iiyi, Nda cita.”

⁶⁷ Nda kati, “Lino tula mvwisya kuti Leza wakapa mbungano nguzu okuya, zya bweende obu bwa buapostolo.”

⁶⁸ Wa kati, “Iiyi, eyo yakali moongola ya Mbungano. Lino Mbungano ibambilidwe kale mu ncililano, alimwi tuli jisi beembezi besu boonse, a tubunga twesu tupati a zintu. Ta tuyandikani zintu ezyo limbi pe, ku kwela bantu.”

⁶⁹ Nda kati, “Lino mpaali Bbaibbele mpo lyaamba ceeco?” Nda kati, “Yebo undaambile awo Bbaibbele mpo lyaamba eco.” Mwabona?

Elyo wa kati, “Ee, ta lyaambi cigaminina booboo mu nzila eyo.”

⁷⁰ Nda kati, “Ee, mpawo, Nse konzyi ku citambula citakuti caamba buyo mu nzila eyo, mwabona. Mwabona?” Nda kati, “Tuli . . .” Nda kati, “Eyo nje nzila mbo yeelede kuba.” Nda kati, “Sena ula syoma kuti Leza uciita bantu?”

Wa kaamba, “Iiyi, munene.”

⁷¹ Nda kati, “Lino ula syoma kuti Bbaibbele lililuleme, bwiinguzi boonse?”

“Inzya.”

⁷² Nda kati, “Lino, mukanazi wankamu ku Buzuba bwa Pentekoste, wakali Petro, oyo waka jisi zikaluzyo zyaku Bwami.”

“Mbo mbubo.”

⁷³ Elyo Nda kati, “Lino, kufumbwa muzeego wakwe mbowa kabede, Jesu wakati, ‘Eco neco mwaanga aa nyika, Njo caanga ku Julu; eco neco mwaangulula aa nyika, Njo caangununa ku Julu.’”

Wa kati, “Ndiyo syoma obo.”

⁷⁴ Nda kati, “Lino, mu Incito cipati ca 2 a kampango ka 38, Petro wakati ku bantu abo bakali kukwamuka. Aba bantu kaba kanana mu myaambo itazizilwe. Elyo baka mubuzya eco ncobakali kukonzya kucita kuti bafutuke, nkabela wa kati, ‘Amweempwe, umwi aumwi wanu, a kubapatizingwa mu Zina lya Jesu Kristo ku kujatilwa kwa zibi, muyo tambula cipego ca Muuya Uusalala; nkambo cisymezyo cili kuli ndinywe, a ku bana banu, akuli baabo bali kulaale, abalo boonse Mwami Leza wesu mbayo ita.’ Lino ikuti na Leza uciita, eco cisymezyo nciconya cili kuli mbabo.”

⁷⁵ Ee, wa kaboola okuno alimwi wakali antoomwe a nkamu yomwe ya Billy Graham atala awa kukombela muswaangano. Elyo nkamu yabo yakali kkede awa mu California abusenabumwi, mvwiki zisyoonto zyainda, mu mipailo ini isakene isiniziye, wakasalazigwa kuli Leza, kuliimyakulya, elyo Muuya Uusalala wakawa aa nkamu yoonse a katalika kwaamba mu myaambo imbi. Elyo . . . Uh-huh.

⁷⁶ Lino ngu cizo ca—ca mbungano ya Bulongwe, i Assemblies of God mu Tucson, Arizona. Wa kati, “Oh, Mukwesu Branham, Nda unka kutala okuya a kulimvwa kabotu loko!” Kati, “Nyamuna buyo maanza angu kusule, alimwi,” kati, “bulemu bwa Leza! Ndi imba buyo!” Elyo kati, “Nse kakonzya kucita ceeco mu mbungano ya Baptisti ya Cizuminano Cipywa.”

Nda kati, “Nda bona tokonzyi. Nke kaambo uli zwide.” Inzya.

⁷⁷ Aboobo nceeco we, mwabona, Leza ulabamba Ijwi Lyakwe. Eco Nca amba, Uyo cicita. Leza weelete kubamba Ijwi Lyakwe.

⁷⁸ Lino tu jana kuti awa, kuteeti, oku kulikozyanisa kwa kunyama oko Moabu nkwa kajisi. Wa kabona musinsimi oyu akati ka Israyeli, wakali kukonzya kuleleka, kusinganya, a bumwi bumbi, aboobo ula sola kuceezyanisa, kwiinda ku tunzenyu.

⁷⁹ Lino eco nce ncico buyo caka citika mu mambungano sunu. Ba kasola kucisanganya a musyobo umwi wa ciyanza. To konzyi kucicita.

⁸⁰ I Muuya Uusalala weelete kuba muumi mu Mbungano, lyoonse, kasololela Mbungano ku bukkalo obo Mbo ponamo, ku kusimpikizya Ijwi eelyolya kasyomezegwa ku bukkalo obo. Leza wakaamba Ijwi, kuzwa ku matalikilo, a linji obu lya bukkalo obu, alimwi linji *obu* lya bukkalo *obo*, alimwi lya makkalo *ayo*. Cila citika lyoonse munzila eyo. Elyo, mwabona, alimwi Muuya Uusalala weelete kuba muumi mu Mbungano, ku kubamba eyi Mbungano kupona buzuba Bwayo. Yeelede kuba okuno asunu, ku kutondezya oyu mulimo wabuzuba bwamamanino, zitondezyo zya kubuzuba bwamamanino, buzuba bwamamanino ibwakutilwa kwa Muuya Uusalala. Ceelede kuba buyo okuno kucita ceeco, alimwi to konzyi ku cijana kwiinda mu kuleleka kwa ziyanza. Leza uli jisi ciyanza. Ngo Nguwe Oyo waka tupa Muuya Uusalala.

⁸¹ Lino, tula bona awa kuti Musa waka jisi Mwaami, alimwi oyo Mwaami wakali Leza, oyo waka munanika. Elyo Balamu awalo wakali kensi lya mwaami, Balaki. Elyo kakali mbuli kooze ya tunzenyu, mwabona, Balaki. Balamu, musinsimi wa Leza, wa kaunka kuli Balaki ku makani aakwe. Musa wakainka kuli Leza ku makani. Ndoolo lwakali lwandaano.

⁸² Nekubaboobo, boonse babo bakali basinsimi, nkaambo bobilo ba kaitwa aa Leza; bobilo bakaswaana Leza, bobilo bakaambaula a Leza, alimwi bobilo bakazwide Muuya. Lino Ndi boola ku muunzi, mwabona. Lino, boonse bakali bantu bazwide Muuya. Lino, obo mbwini. I Bbaibbele lya kaamba cuti, "Leza waka swaangana a Balamu a kwaambaula a nguwe." Mwabona?

⁸³ Aboobo tula bona, umwi aumwi wa basinsimi aba, boonse balo mukuba basinsimi, bantu ba Leza, bakaanga ku bweendelezi bwabo. Musa wakakutaukila Leza. Elyo Balamu wakakutaukila Balaki.

⁸⁴ Amubone awa, mu kukozanya kwa kumuuya a cabuntunsi, obo mbo caka londokede. Musa, wakatumwa a Leza, munzila ya bulizi, wakaswaanwa akuzundikizigwa a muntu umbi wa Leza. Sa inga mwezeezya cili obo?

⁸⁵ Pele amulange kooze nkoba kajisi kutala okuya. Cakali cis i cakubunga.

⁸⁶ Elyo Musa wakali kusololela bana ba Israyeli, mbubonya buyo Leza mbwakali kuyo baambila kwa kuunka, kasololelwaa Musumpululu wa Mulilo, a Cilenge cigambyakwiinda eco cakali kusololela nzila. Elyo Musa wakali kujana makani akwe kwiinda i—i mu Logosi, mubwini, eyo yakazwa kwa Leza, oyo Musumpululu wa Mulilo; oyo wakali Angelo wa Cipangano, oyo wakali Kristo, Umwi Uunanikidwe. Elyo wakali kujana mulumbe wakwe kwiinda Omuya, a kuupa ku bana ba Israyeli, mu lweendo kuya ku nyika ya cisyomezyo.

⁸⁷ Pele oyu muntu waka kkalikila koonse, alimwi wa kajisi bwami bwakwe. Wa kajisi mambungano akwe. Wa kali jisi zintuzyonse moonya omuya mu ncililano. Aboobo ula tuma kuya ku kujana mwaalumi oyu, kuboola kuya a kusinganya bantu aba. Elyo amubone, sa inga mwayeeyela, musinsimi oyo omwe, muntu wa Leza kabona milimo ya Leza a muntu umbi, a kusola ku—ku zundikizya milimo eyo ya Leza, cindi na kaziba, keelede kuziba kabotu. Lino Balamu, lutaanzi cindi... Balaki waka mutumina a kumwaambila kuti, “Koboola okuya a kusinganya bantu aba.” Lino Balaki wakacita cintu nciconya, na...

⁸⁸ Balamu, mubwini, kacita cintu eco caka luleme, wa kayandaula Leza. Wa kayandaula Leza, lutaanzi. Lino, obo mbwa keelede kucita.

⁸⁹ Elyo mpawo Leza wamakupa bwiinguzi Bwakwe, bulondokede abusolokede, “Uta unki a nguwe! Kobaleka balikke. Uta singanyi bantu abo. Bali lelekewo.” Lino, eco ceelede kuba cikubwene. Cindi Leza aamba cintu cili coonse, Ta konzyi kucinca eco. Amubone, luyando Lwakwe lulondokede lwakali, “Uta unki! Uta lwani bantu abo. Mbantu Bangu.” Olo lwakali luyando Lwakwe lulondokede.

⁹⁰ Pele Balamu takali kuyanda bantu abo, ku katalika. Mwabona, nceeco we. Bali bongaye ba Balamu mbe tujisi sunu? I cintu nciconya, cintu nciconya! Ba lizi kabotu.

⁹¹ Ba kali bajisi mu mazuba aa Mwami wesu Jesu. Nikodemo wakaboola a kwaamba, “Rabi, tu lizi kuti Uli muntu wakatumwa kwa Leza, na i—na mwiiyi wakatumwa kuzwa kuli Leza. Taakwe muntu wakali kukonzya kucita zintu ezyo Nzo cita citakuti Leza wakali a nguwe.” Mwabona, ba kali cizi. Kwakali Balamu alubo, mwabona.

⁹² Lino, Balamu takali kuyanda bantu. Amubone masena mahedikkota akwe. Niba kamana kutuma bantu bamwi babotu okuya, ku mwaambila kuti, “Lino kuli bantu bamwi baboola kunselelo okuno. Elyo Nda mvwa kuti uli musinsimi, uli muntu mulemu, aboobo waboola atala awa a kusinganya bantu aba.”

⁹³ Balamu wakati, “Lino, amulindile aniini, mane Ndi njile a kukomba, a kukkanla busiku boonse, ndiza Mwami uyo ndiswaana nkabela Uyo ndaambila.” Ncibotu, cifumo cakacilila,

Mwami waka muswaana a kwaamba, “Uta unki! Uta singanyi bantu abo. Ba lelekedwe.”

⁹⁴ Yaa, Balamu wakazwa a kuti, “Ee, Nse konzyi kuunka, nkaambo Mwami wandaambila kuta unka.”

⁹⁵ Lino amubone cindi niba kajokela, a kutola mahedikkota, kuli nguwe kuunka kunselelo okuya a kuyoima muswaangano oyu ngo baka jisi, nywebo mwabona, ee, mpawo, boola kuziba kuti, mahedikkota aka tumina cikungo ca bantu babotu loko balemekwa kapati, ndiza bishopo, muntu umwi uumbi, na antela wakali mwaalu wa cisi, muntu umwi wakatumwa kunselelo kuya, “Mwaambile aselemuke kuyo lesya ceeco nekuba!” Mwabona?

⁹⁶ Amubone, nkamu yakwe mbotu yoongelezya loko, zipego zibotu maningi, mali manji, kati, “Nda konzya kumusumpula ku cuuno cibotu loko. Kwayanda ndamubamba, mubusena bwa kuba muntu buyo, Nda konzya kukubamba mulemu loko aniini eno. Ndi jisi nguzu zya kucita ceeco, nkaambo Ndili mwaami omuno mu bweende obu bupati. Elyo inga Nda—Nda konzya kumu citila cintucimwi kabotu, ikuti na moyo cicita buyo.”

⁹⁷ Amubone, i cituuzyo cipyä caka mofwaazya. Wa keelede kuziba; eco Leza nca kaamba, Leza uyo cita. Pele caka mofwaazya. Elyo mbuli musinsimi wa Leza, ta keeleli koongelezegwa a nkamu iili booboo. Wa keelede kuzwa mu nkamu eyo, ku katalika.

⁹⁸ Elyo ikuti na Nda ambaula ku bantu bamwi ba Leza awa! Cindi basola ku mwaambilka ku mahedi kkota, kuti, “I mazuba aa maleele akamana,” alimwi eci nco tucita awa, alimwi Mwami Jesu uli mukutulongezya, “alimwi eci cakama ca basikwiindilizya, cakunyanyamukwa a kulimvwa, takwe cintu cili obo mbuli kupoesegwa kwa Buleza,” kuzwa mu nkamu eyo, nkoonya kuya. [Mukwesu Branham wanontola kanwe kakwe—Mul.] Amuzwe kuli ncico, nkaambo Ndi Ijwi lya Leza lili muku yubululwa. Ba lati, “Takukwe cintu cili booboo mbuli mazuba aa buapostolo. Kwiina lubapatizyo lwa Muuya Uusalala. Oko kwaambaula mu myaambo, takukwe cintu kuli ncico okuya.”

⁹⁹ Oh, pele, mukwesu, uta swiilili kuli ceeco! Kuli banji bali mbuli Balamu, sunu, bakkedo kusule mu ofesi lyabo, kubala aya Mabbuku aa Bbaibbele a kuziba kuti Ndyo Bwini. Pele nekubabobo nkaambo buyo ka busena, taba katoli kwiiima kwabo. Mbombubo ncobeni. Amubone, Leza... Wa kalizi kuti ta keelede kuba mu nkamu eyi, na Balamu wa keelede kuciziba. Balo, bala zwa ku luyando lwa Leza. Balo balombwana bayo mwaambaula ncobeni kuzwa ku luyando lwa Leza. Cindi mwajana luyando lwa Leza, muta lekeli muntu ku mwaamba kuzwa kuli ncico.

¹⁰⁰ Nda kalizi bantu babotu, kaboola ku miswaangano, kuponesegwa, a kujokela. Elyo bakali kunga bat, “Oh, ee, takukwe cintu kuli ceeco. Wa nyanyamukwa buyo. Kunyina cintu kuli ncico.” Alimwi bantu bay a kuzumbauzya. Nda kabona bantu kaba boola a kutambula Kristo mu myoyo yabo, kujoka; ndiza kukanana mu myaambo, a kujokela. Elyo mbungano iyoamba, “Baa, uli ii—uli sampu ku Bunakristo,” abumwi bumbi. Elyo, oh, ma, muta, muta citi eco, mwabona. Amuzwe mu nkamu eyo! Amu tantamuke kuli ncico.

¹⁰¹ Amubone, Balamu waka belesya cibalo ca lweeno awa, nkambo ka manjezeeza aakwe, mwabona. Wa kati, “Antela. Kokkala busiku bumbi, alimwi ndiza Ndila buzya Leza, nywebo mwabona. Kwayanda inga Wa cinca muzeezo Wakwe.”

¹⁰² Pele Leza tacinci muzeezo Wakwe. Cindi Leza naka tupa kutondezegwa kwa lubbizyo lwa Muuya Uusalala, aa Buzuba bwa Pentekoste, eyo nje nzila Mbwa elede ku cibamba. Wa kacita kwinda mu bukkalo bwa Bbaibbele, alimwi Uyo cita ciindi cimbi eco mutu ncayo boola aa mbaakani ezyo Nzya katuula okuya. Ikuti na uyo boola, kosyoma, kweempwa, kubbizigwa mu Zina lya Jesu Kristo ku kujatilwa kwa zibi zyako, a kusyoma ali Leza, Leza ulisinikizidwe ku kuzulizya malailile abusilike ayo, mbubo, nkaambo Ngu dokotela. Elyo Uyo cizulizya ikuti na moyo—ikuti na moyo ciswiliila.

¹⁰³ Pele tokonzyi eno kusola kuba obo bulembu bwabusilike, ku butola kuli sikusambala madulagi calweeno oyo—oyo unga wabikka cintucimwi cimbi muli ncico. Kwayanda kujaya mulwazi. Ako nke kaambo tu jisi mamembala manji loko aa mbungano afwide sunu, bali mukusola kupa malailile abusilike mabi. Leza uli jisi bulembu bwabusilike moonya omu mu Bbaibbele. Ngu mbobuca nguwenya, sunu, amuya myaaka. Welede kunywa musamu nzila Dokotela nja kaamba kuupa.

¹⁰⁴ I Bbaibbele lyakati, “Sa takukwe—sena takukwe bbona muli Giliadi; sa kwiina musilisi okuya?” Mubwini, nceeco we. Kati, “Mpawo nkaambonzi mwana musimbi wa bantu Bangu mu ciimo eci?”

¹⁰⁵ Mwabona, tuli jisi Bbaibbele. Tuli jisi Musilisi. Ngu, buyo, simisamu uli mukumvwisywa kabotu bulembu bwa busilike ibwa Lugwalo. Obo mbo cibede. Yebo usola kwaamba kuti, “I mazuba aa maleele akainda. Kwiina cintu cili boobo mbuli lubapatizyo lwa Muuya Uusalala a zintu ezi zyoonse. Mbufubafuba.” I Bbaibbele lili luleme ncobeni. Leza tajosya cili conse Nca kaamba. Elyo basola kubalesya nzila ya lweeno, cintucimwi cimbi mbuli, “Ee, tula syoma obo.” Ee, takukwe makani eco neco syoma!

¹⁰⁶ Nceeco Leza nca kaamba! Wa kati, “Njo tila Muuya Wangu aa bantu boonse.” Wa kasyomezya eci mu mazuba aakumamanino.

¹⁰⁷ Ba sola kwaamba miswaangano, eyo njo mubona, ba ndiita kuti, “ii musondi, ii—ii—ii musondi wakalondolwa, na ii—na ii Bezebule, na dyabulosi umwi.” Ee, beeleder kwaamba ceeco, nkaambo mba wisi wabo. Nce ncico nca kaamba kujatikizya Jesu ku matalikilo. Alimwi tatuli ndiswe tucita ceeci, nekuba, ngu Jesu nguonya, nkaambo Ngu mbobuca nguwenya, sunu, amuya myaaka. Walo Muuya Wakwe.

¹⁰⁸ Oh, cintucimwi caka konzya kwiinda, kweengulula a kuzu-... kweenguluka kutumwa Kwakwe. Aboobo bantu banji basola kweenguluka ceeco. “Oh, boola usangane mbungano, elyo ciyooba kabotu. Tuli mbungano yakaindi. Twa kali waano kwa myaka minji. Twa katalika...” Iiyi, mbo mbubo. Ikuti na eco cili booboo, nkokuti mbungano ya Katolika yaba Roma ili kujisi ali ndinywe nyoonse; balo ntubunga tutaanzi. Ba kali bataanzi. Pele, amuyeeye, kutali Mbungano ntaanzi. Ba kali kabunga kataanzi, alimwi banyina wa boonse babo. Kwalo, umwi aumwi wabo uliimpene kuli Leza. Ciayubunuzyo 17 yaamba cintu nciconya, mwabona. Iiyi, tuli mu mazuba aakumamanino. Lino, amuyeeye, Leza uyo mulekela, nekuba, mwabona, lino.

Elyo mpawo Balamu, wa kayeeya, “Ee?”

¹⁰⁹ Mpawo Leza waka mwaambila, “Ko zumanana.” Nkaambonzi? Leza wakalizi eco cakali mu moyo wakwe. Leza wakalizi kuti eco cakali mu moyo wakwe ku katalika, aboobo Wa kamwaambila kucita, “Ko zumanana.” Uyo cizumizya. Uyo kuzumizya kucicita. Uyo kulongezya, ziindi zinji, mu kucicita.

¹¹⁰ Wa kalongezya akwalo Israyeli niba kamana... Luzyalo lwaka bapede kale musinsimi, Musumpululu wa Mulilo, lwaanguluko, zitondezyo a zigambyo, zyaka bagwisya kuzwa mu Egepita, a zintu zyoonse, elyo nekubaboo bakali kuyanda mulao. Leza waka balekela kuti babe ancico, pele caka singanya ciindi coonse.

¹¹¹ Wa kalekela Balamu kuzumanana nzila buyo nja keelede kucita, pele ino wakacita nzi? Wa kaunka kunselelo okuya alimwi, mibusena bwa kusinganya bantu, wa kacita kuleleka bantu. Ta kakonzya kusinganya eco Leza nca kaleleka.

¹¹² Elyo Nda—Nda kamwaambila, kuti uyoleka aa naini. Elyo Nda kalungumana, nkabelia nciindi lino, alimwi Ndi jisi bbuku lizwide bulembu awa.

¹¹³ Pele Ndi yanda kwaamba eci, mu kujala, kuti Leza ta kacinca muzeezo Wakwe. Luyando lwakali lwa Balamu kuta unka. Elyo cindi Leza abamba kaambo, keelede kacili bwini lyoonse.

¹¹⁴ Lino, Bbaibbele lyakati, “Jesu Kristo ngu mbobuca nguwenya, sunu, amuya myaaka.” Lino, eco tacaambi “mu nzila imwi.” Eco caamba kuti Ngu mbobuca nguwenya, sunu, amuya myaaka! Jesu wakati, mu Musalali Johane 14:12, “Oyo usyoma

ali Ndime, milimo eyo Nje cita uyo icita awalo.” Sa mbo mbubo? Wa kasyomezya, muli Marko 16, “Ezi zitondezyo ziyo batobelabo abo basyoma.”

Ba lati, “Ee, eco cakali buyo ca baapostolo.”

¹¹⁵ Wa kati, “Kamuya mu inyika yoonse akuyo kambauka Makanimabotu ku bantu boonse. Ezi zitondezyo ziyo batobelabo, mu inyika yoonse, a ku bantu boonse. Mu Zina Lyangu bayo tanda madaimona. Bayo amba mu myaambo mipya. Ikuti na bajata nzoka, na kunywa zintu zikola, inga ta cikoyo bakola. Ikuti na babikka maanza abo aa balwazi, bayo pona.” Lino, eco nce celelo Cakwe.

¹¹⁶ Mwabona, tu sola kweelela cintucimwi. Tu soleka kubamba, kweelela mbungano kuli ceeco nco tu yeeya kuti Ijwi lya Leza mbolibede. Ta tukonzi kweelela ku mbungano. Twe elede kweelela kuli Leza.

¹¹⁷ Nda kaamba lyoonse kuti, nciindi ca kweendelana. Wa penta matantila ako amubala usubila, elyo langilila simukobonyokwe ulapenta akwa kasubila. Nobamwi banakazi mwasama musyobo umwi wa ngowani, ku cikombelo, nkabela amulange bamwi banakazi baya kuula ezyo.

¹¹⁸ Muka. Jacqueline Kennedy waka jisi oku kugelwa kwa masusu, a kulanga banakazi boonse. Waa kali kusama maaproni maniini akaindi amubala wa masaka, na zintu mbuli ezyo, cila gambya akuta tambulika ku mwanyakazi kuba mukagwagwa, kasamide ezyo zikwekwela mbuli ezyo. Amulange banakazi boonse kabacita cintu nciconya. Nkulikozyanisya, pele oko kuli mu nyika. I bantu ba mbungano baka cibweza, alimwi mause kuti bala cicita. Ncibi kuli mbabo kucicita, nkabela ndi sampu. Elyo cindi twa cibona kaci sobelela mu Pentekoste, cila yoosya loko. Mbo mbubo. Pele, nywebo mwabona, mbungano ila cibikka a njiyo a kwiilekela kuunka.

¹¹⁹ Lino, ta tukwe ndaba. Nse kajisi ndaba na bbaki lyangu lyakali kweendelena a bulukwe bwangu, na tai wangu kweendelena a bbaki lyangu. Ndi yanda luzibo lwangu kweendelena a Bbaibbele lya Leza a celelo Cakwe. Elyo nce ncico eco swoebi to bantu ba pentekoste nco tweede kucita, nkuba a luzibo lwesu mbubonya mbuli lwabo mbo lwakabede, nkaambo Ngu Jesu nguwenya, Muuya Uusalala nguonya, nguzu nzyoonya. Ula pona sunu, alimwi Ula pona akati kesu.

¹²⁰ Ci baanga cila ndiyeezya buzuba bumwi banyina Bakwe bakali zwide kuzwa ku Jerusalema, kuzwa ku kukomba, a bawisi Bakwe bakujana, Josefa. Elyo ba keenda mu lweendo lwa mazuba-otatwe, a kuyeyela buyo kuti Wa kali antoomwe ambabo, elyo baka jana kuti Ta kaliko.

¹²¹ Elyo, nywebo mulizi, Ndi yanda kukozyanisya ceeco ku ciindi casunu. Nywebo mulizi, mbungano yaka jisi nyendo

zya mbali zyotatwe. Luther, Wesley, pentekoste; lweendo lwa ntaamo zyotatwe. Leza uyo bapa mulumbe, kululamikwa, Luther, wa kaanzika ali nguwo; mpawo kwakasika kusalazigwa kwiinda muli Wesley; mpawo lubapatizyo lwa Muuya Uusalala, a pentekoste. Elyo Nda libuzya na tii twakazwa onse kunjila kulilemeka kutaluzi amwi, ku kuyaka zintu zipati akucita zintu zilemu, mbuli Balamu mbwa kajisi mu mizeeza yakwe; tubunga tupati, i—i kamwi kakainda kambi, a *kaaka* kamwi kambi, kupa zilumbo zya ngolide a nyenyezei ku cikolo ca munondo ayooyo ukonzya kuleta mamembala manji, a kunjizya kufumbwa cintu mu mbungano.

¹²² Nda mwaambila, kuli Mbungano yomwe yatakali sikuupauga muli njiyo, eyo nje Mbungano ya Mwami Jesu Kristo, yaka batapatzigwa ku Muuya Uusalala. To sungilizigwi kuba Omuya. Ula zyalwa kuba Omuya. Wa katumwa omuya ku Muuya Uusalala.

¹²³ Ba kajana kuti. I muzyali wakajana kuti Ta kali aakati kabo.

¹²⁴ Lino mu oora eli, buyumuyumu obu bupati buli mukucitika, cindi twa ziba kuti cisi eci cila zungaana. Kutali buyo cisi, pele inyika ila zungaana. Nku ciindi camamanino. Taakwe cintu cimbi eco Nce zyi kucitika pele Kukwempwa, Kuboola kwa Mwami Jesu Kristo. Koonse kuli libambilide.

¹²⁵ Elyo tula bona kubungana oku. Oh, jana coolwe coonse, oyu muswaangano uboola wabaiminizi, jana cintuconse kuzwa kuli nguwo ikuti na ula konzya kujana, eco ca Leza. Ikuti na tojisi Muuya Uusalala, kou bikka buyo mu mizeeza yako tokazwi kokuno kusikila uka Utambule. Eyo nje nzila yakucicita. Amukkale okuya, nkaambo nywebo...ecu ngu, inga caba ciindi cako camamanino. Antela takukabi muswaangano umbi wabaiminizi muli eyi West Coast. Ndiza inooli kensi lya lwizi, ku ciindi eco, kakutanaba umwi umbi. Aboobo ta tuzi eco cinga cacitika, aboobo tu... Tu langila imbata zya Leza kuboola aa masi.

¹²⁶ Lino akube kuti Nda ambe ceeci. Ba kali kuyeeya kuti Wa kali ambali. Pele ba kajana kuti, mu buyumuyumu, kuti Ta kali obo. Mwabona, Ta kali ambabo.

¹²⁷ Lino tu jana kuti, mu ciindi eco cakuti cindi eci cintu cipati ni caka letwa mujulu, alimwi tu jana kuti twiimpya cintucimwi mu mambungano esu, alimwi ezyo ni nguzu zya Kristo.

¹²⁸ Lino, amulange, Nse yandi kujana butongo. Ndila tuyanda, a luyandisyo, lwinilwakasimpe lyoonse lula lulamika. Lino twiimpya Kristo mu mbungano yesu. Twi impya Kristo akati ka bantu ba Pentekoste, bakwe a bacizi besu. Kuli cintucimwi cilubide. Miswaangano ya ciyanza cakaindi njo bakali kuba ayo, buzuba a masiku onse, taba cibi anjiyo limbi. Banakazi besu bakali kunga basama masusu malamfu; taba ciciti limbi. Inga kwaba mause ku banakazi kupertu a kubelesya misila,

kujoka mu mazuba mataanzi, a kulilemeka nzila banakazi aba mbo bacita. Cintucimwi cakalubila. Taakwe cilubide kuli Kristo, mwabona, pele cintucimwi calubila. Cintucimwi cili kubusena bumwi. I cikambaukilo, cakali kucita ku, nicata kazumizya cintu cili boobo mbuli eco, pele cila cita eno. Mwabona, cindi cabuyumuyumu cila citika, nkabela twiimpya cintucimwi.

¹²⁹ Twi impya nguzu nzyo tweede kuba azyo, oko muncina mupati nko weelete kubeleka, a zitondezyo a zigambyo zipati. Ee, obu buyake bweede kuzulwa loko anguzu zya Leza, eno, kusikila sizibi katakonzyi kukkala omuno; Muuya Uusalala kau citapatila, cakufwambaana mbuli obo, mbuli Ananiya a Safira. Elyo tuli mukwiimpya cintucimwi.

¹³⁰ Lino ncinzi cakacitika? Ba kaunka kuyo Mu yandaula, akati ka basimukowa babo, nkabela tiibaka Mu jana akati ka basimukowa babo. Aboobo nkokuli nkobaka Mu jana? Nkoonya kaindi oko nkoba ka Mu siya.

¹³¹ Elyo Ndi yeeya kuti, cindi mbungano yesu niyakaba mu musaalo oyu mupati wakabunga ngo twa kajisi, umwi wakacita kwinda umwi kucita, alimwi kacita kuba a mambungano mapati loko, a misela mibotu ya bantu, a bantu basama kabotu, a baimbi babotu loko, akwiimikila okuya a . . .

¹³² Ndila kuyanda kwiimba kubotu. Ndila kuyanda kwiimba kwa pentekoste kwini kubotu kwa ciyanza cakaindi. Pele Nse konzyi kwiimina ezyo zintu zyakulibikka, ta cizuminani buya a ndime; kujatilila kuyoya kwako mane wakuba bbulu kumeso, kuyanda buyo kumvugwa. Nda—Nda syoma mu kwiimba kuzwa ku moyo wako, mu Muuya wa Leza, mbuli mbo Nda mvwa omuno kaindi kainda. Mwabona?

¹³³ Nda botelwa koongolola kwa ciyanza cakaindi, pele Ndi yeeya kuti koongolola inga kwazumanana buyo ikuti na ciimbo cili mukicitika na pe. I Muuya wa Leza aa bantu, Ula selusya zileleko a nguzu zya Leza. Nda syoma muntu inga wapeda bumboni, a kwiimba a kulumbaizya Leza, ku mulimo wabo, kufumbwa oko nkobabede. Nincobeni.

¹³⁴ Elyo eno twiimpya cintucimwi. Mpaali mpo tuyu ku Mu jana? Nkoonya oko nkotwaka Mu siya, mu Ijwi.

Atu kombe.

¹³⁵ Oyandwa Taata Wakujulu, bumwi bwa masiku aya tuyu jala Bbaibbele eli ciindi camamanino, lwiimbo lwa mamanino luyoimbwa, nkambauko yamamanino iyo kambaukwa, mundando wa mipailo wamamanino uyo itwa, sizibi wamamanino uyo njila. Elyo mpawo ninzi? O oyandwa Leza, ta tuyandi luyando Lwako lwa kuzumizigwa, Taata. Atwe ende mu luyando Lwako lulondokede. Tu ta buyo—buyo kuta bweza Ijwi awa a kokuya, a ku Li bamba kweelela kuba kayanza kabuzumini na buzumini bwabukombi, na cintucimwi.

Atu bweze Ijwi mbuli mbo Li bede, kusyoma Makanimabotu aazwide, koonse oko Jesu nkwa ka tuyiisya kucita. Ta tusyomi kuti incito zya baapostolo walo moongola buyo. Tula syoma kuti Ndi Ijwi lya Leza, Ni ncito ya Muuya Uusalala Wako mu baapostolo. Elyo tula syoma kuti nguonya Muuya Uusalala, Mwami, oyo waka boola ali mbabo, a nzila mbo bakalilemeka, Uyo cita cintu nciconya muli ndiswe, cindi Wa kuboola ali ndiswe, ikuti na Muuya nguwenya.

¹³⁶ Aboobo Nda komba, oyandwa Leza, kuti oyu muswaangano mupati ngo tuli aali eva waco, ku kutalika masiku juunza. Nda komba, Taata Wakujulu, kuti uyooba muswaangano mupati maningi oyo dolopo eli ngo lyakasola kuba awo, nkaambo ka Busyu Bwako. Longezya mukanazi aumwi, O Leza, acibe cizungaanya booboo-boobo, akube kuti bukali bwa Leza bundindime atala lya cikambaukilo. Akube kuti basizibi bazungaanye, ntenda. Akube kuti Busyu bwa Jesu Kristo buboole kasimpe loko ku bantu, cakuti inga bakonzya buyo kujala meso abo a ku Mu bona keenda akati kabo. Ko cipa, Mwami.

¹³⁷ Lino, sunumasiku, kacitana buyo kucitika eci neco tu kombela...Oyandwa Leza, bana Bako bali cisidwe. Ba kayaswa, alimwi—alimwi bali cisa. Nda boola ku bakombela. Sa Ula lemeka eco Nce Ku lomba, sunumasiku, Mwami, nkambo ka malwazi abo? Nda syoma, kuli Nduwe, takukabi muntu uukompeme mu buyake obu cindi kuswaangana kwamana.

¹³⁸ Balandia bako bonse kwinda awa, kabakkede alya, kabaongolola, kuwaala maanza abo mujulu, a kusule awa aa cibumbili, a kwaamba “ameni” ku Ijwi. Taata, tuli nkamu yomwe ya bantu. Twa kazwa mu inyika, kuzwa ku ziimo ezyo zitontola, alimwi twa kazyalwa ku Muuya. Tula pona, sunumasiku. Elyo Wa kati, nkaambo Ula pona, twa kali baumi aswebo. Elyo tula syoma, Mwami, a kusyoma a moyo wesu oonse, kweendelana ku Ijwi, kuti twa kaimininwa muli Nduwe.

¹³⁹ Lino bamba Majwi Aako kuba kasimpe, sunumasiku, kukuponya baciswa, mbuli Mbwe bakombela, a baaba bambi nobapaila. Kopa, Mwami, ciyooba booboo. Elyo tuyu Ku lumbaizya nkambo ka ncico. Twa cilomba mu Zina lya Jesu. Ameni.

¹⁴⁰ Lino...[Muntu umwi watalika kwaambaula mu mwaambo umbi. Kabeela katakweecinto aa teepu—Mul.] Ndaku Lumba, Taata Leza.

¹⁴¹ Tu limvwa booboo, mbuli buyo ciindi cimwi mu Bbaibbele, bakaunka kuyo lwana ciindi cabuyumuyumu, alimwi Muuya wa Mwami wakawida a muntu nkabela Wa kamwaambila owo akuzundila sinkondo, oko kwa kuunka. Amuswiilile kuli Ceeco. Amu lilulamike buyo nobeni. Mwabona, Muuya wa Buumi muli

ndinywe, umululamika ku Ijwi. Mwabona, ikuti na Ijwi lilapona muli ndinywe, Lila pona Lini moonya kwiinda mu Ijwi.

¹⁴² Lino, busiku bwainda Nda kali mukide. Lino, muli bantu bali boobu, Ndi buyo . . . Kuboneka mbuli, alimwi mbuli Mbwe talika kukomena loko, Ndi—Ndi—Ndi lombozya buyo kuti Nda konzya . . . Njo oba andinywe kwalyonse, mu Nyika imbi.

¹⁴³ Aboobo lino tuyu kombela balwazi, elyo lino Nse soli kuleta banji loko ku ciindi, mbuli Mbwe kacita masiku ainda. Elyo lino, Billy Paul wavozya cikama ca makkaadi aa mipailo, Ndi yeeyela kuti mwaanda wabo. Sena wa kapa mwaanda, na myaanda yobile? Myaanda yobile. Ino bakali cinzi? C.

¹⁴⁴ Nguni ujisi C, mweelwe mutaanzi? Tambika janza lyako, atu bone na kuli luleme, lino. Kkadi lya mupailo, langa a kkadi lyako lya mupailo, ili jisi namba a ii—a kabala ali ndilyo. C, namba wani, tambika janza lyako. Atala eni. Yaa, seluka awa. Namba tuu, thrii, foo, faivi. Lino, alimwi, yebo, muntuumwi wasika awa a kubajata. Lino tuyanda onse makkaadi amipailo, pele tu yanda kuti bandandame kuli lubazu olu. Wani, tuu, thrii, foo, faivi. Nda bona botatwe babo. Elyo kkaadi lyako lya mupailo, munene? Foo. Lino kuli umbi? Wasanu, sa oyo muntu uboola okuya? Omwe, wabili, watatu, wane, wasanu. C, mweelwe mutaanzi, wabili, watatu, wane, wasanu. Yaa, lino boola buyo mbuli mbo mwiitwa, mweelwe wako.

¹⁴⁵ Aboobo, busiku bwainda, Nda kaba bona kunselelo okuya, bantu kabali syanikizya. Ta tuyandi ceeco. Eyi ni mbungano, nywebo mulizi, kutali bbuwa lyamisobano. Aboobo, tu—tu, mweelede kubamba malailile.

¹⁴⁶ Wani, tuu, thrii, foo, faivi, sikisi, seveni, eiti, naini, teeni. Lino amu balembe buyo mbuli mbo bajokela. Lino, kkaadi lya mupailo lya cisambomwe, ciloba, lusele, fuka, kkumi. Alimwi muntuumwi uya kutambika janza lyakwe cindi ano . . . cindi bandandamikwa atala alya. Elyo tula bapailila.

¹⁴⁷ Mbangaye bayo syoma a ndime lino kuti Mwami Jesu uyo cita mulimo mupati? Ndiyo cita koonse oko Nkwe konzya. Lino sikisi, seveni; sikisi, seveni, eiti, naini, teeni, ileveni, twelufu, theetini, footini, fifitiini.

¹⁴⁸ Amu boole buyo konse, kutegwa bata syanikili aciindi comwe, nywebo mulizi, a kucizunguluka. Eco ncencico myeelwe nco ipedwe kuli nduwe, ku kubamba mu ncililano, nywebo mulizi. Kubamba obo kuti utabi . . . Mpawo namba yako yaitwa, ee, uboole buyo mpawo. Yaa, alimwi eno tu yanda ku . . .

¹⁴⁹ Lino Ndi yanda boonse, bantubonse, kubatama loko eno. Elyo tula zumanana kupaila kutandila, mane twa konzya kupailila aba bantu. Elyo ta tuzi eco Mwami ncanga wacita. Ta tuzi eco Nca yoocita. Pele tu Mu langila kucita zintu zipati.

¹⁵⁰ Lino, Nda syoma, fifitiini, sena Ndi cijisi banji okuya? Billy Paul, uli kuli? Yaa. Fifitiini, sikisitiini, seveintiini, eitiini, nintiini, twenti.

¹⁵¹ Lino, mwabona, bali syankene kale. Aboobo lino Ndiyo oba, ndiza, antela mukwesu umwi ku, mbuli cindi baboola kunselelo kumamanino aa muncali, aite myeelwe itobela, nywebo mwabona, kutegwa toonse tuta imikili, kwimikila alya kwa ciindi cilamfu twano pailila a—a i—i bantu bacisidwe. Yaa. Lino tuyu—tuyo... Ndi yanda—yanda kuti mu...

¹⁵² Ndi yanda ku kanana kuli ndinywe kuciindi nobajana bantu abo kutegwa bata syankani antoomwe.

¹⁵³ Lino, taakwe umwi uboola kusikila mweelwe wako—wako waitwa. Twa ita bali fifitiini, Nda syoma mbo cabede, na makumi obile, cintu cimwi antoomwe awo, Njo amba kusika ku makumi obile, elyo mpawo atu lindile. Elyo eco ciyooba kunji omuya ndyoonya lino, kufumbwa ciliko okuya.

¹⁵⁴ Elyo eno ali ongaye makkadi aliko? Amutambike maanza anu. Alimwi mbangaye bata jisi makkadi? Amutambike maanza anu.

¹⁵⁵ Lino, amuyeeye, toeledge kuba a kkaadi lya mipailo. Twali kookuno kwa masiku obilo, alimwi busiku abumwi Muuya Uusalala weenda tala lya bbunga akuponya akuponya bantu, kakutakwe kulanganya makkadi aa mipailo. Sa mbo mbubo? I kkadi lya mupailo lila cita biyo cintu comwe kuli nduwe, ku kugwasya kunjila mu mundando. Mbo mbubo. Pele uli jisi lusyomo, alimwi ula langilila Muuya Uusalala kusiya cibumbili, mpoonya awa, a kuzwa ncobeni akati kabo bbunga okuya. Mbangaye bazi obo kuba bwini?

¹⁵⁶ Lino, Nda—Nda syoma, mukusyoma canguzu, ikuti na kwakali mbungano imbi ili yoonse kunze lya mbungano ya Pentekoste, eyo Nje nga—konzya kuunka ayo a kusyoma, inda Ndaba anjiyo, na Nda kayeeya kuti kwakali cimwi cibotu. Elyo cindi wandimvwa kwaamba cintucimwi kujatikizya tubunga, a zintu mbuli ezyo, Nselwani bantu. Nku kaambo...

¹⁵⁷ Ino kuti wa kabona muntu wakali kukuyanda, okuya mu bwaato kabwibauka kuselemuka nconzyo kutozya kuli namutitima, a kuziba kuti bwaato bwakali kuyo bbila anguwe, elyo yebo wati, “Ee, Nda muyanda, pele uli—uli jisi nzila zyakwe zini”? Peepe, Nse kakonzya kucita ceeco. Eco tacili muli ndime. Inga ndaongolola, kuzuza aku mukwempa, kumu zungaanya, ku munyukizya mukati, na kufumbwa cimbi, ku kumugusya kuzwa alya, mwabona.

¹⁵⁸ Elyo Ndi lizi kuti obo tabuka impaukili kuli namutitima. Mbo mbubo. Ci leeledge ku jokela kuli Kristo, mbuli masimpe mbuli cintu cili coonse. Ci leeledge ku jokela kuli—kuli Leza. Lino Nda—Nda...

¹⁵⁹ Bantubonse omuno bakali mu miswaangano yangu kakutanaba, sa mbo mbubo? Amu jatilile maanza anu ikuti na mwali mu miswaangano. Ncibotu. Takukwe umwi... .

¹⁶⁰ Sa kuli bamwi bapya abo batakaliko mu miswaangano yangu kakutanaba? Amu jatilile maanza anu. Ee, ino ucita... . Nse ka... . Sa eci ncindi citaanzi ncu wakali muli umwi wa miswaangano yangu? Amu tambike maanza anu alubo. Ee, Nda—Nda—Nda mwaambila, Nda... .

¹⁶¹ Ndiza ncibotu Nda cinca cintu eci. [I mukwesu waamba, “Pandulula aniini kujatikizya mulimo wako.”—Mul.] Ee, inga Nda—Nda ncibotu.

¹⁶² Nywebo, nobantu nomwa zwaa kusika, Ndi—Ndi la... . Ciyo nditolela buyo aniini, maminiti masyoonto kulampa. Andi cipandulule, nkaambo muyo zwa a muzeezo uulubide, mwabona.

¹⁶³ Nda syoma mu micto yoonse ya Leza. Pele Ndi syoma kuti Bbaibbele lila tusyomezya, mu mazuba aakumamanino, kuteeti kweelede kuba, kuboola alubo, i Mbungano yeelede kunjila mu ncililano njiyonya moya kabede, cakuti Jesu waka cisiya cindi niya kazwa. Mwabona, ngu Nabwinga, weelete kujokela ku busena obo. Lino, twa boola kwiinda mu milimo mipati ya Leza, kwiinda mu kululamikwa, kusalazigwa, lubbizyo lwa Muuya Uusalala, kuboozezya kwa zipego. Pele mu kutobela nzila ya Abrahamu... .

¹⁶⁴ Lino, Nse yiide, alimwi aboobo Nde elede kubelesya cintucimwi mbuli Johane Mubapatizi. Wa kali yiide, awalo. Wa kanjila mu nkanda, kutandila myaka ili fuka yakukomena, nkabela ta kajana lwiyyo. Aboobo nkambauko zyakwe zyaka simpwa loko aa mbuli bulenge, “O nywebo no nzyalani ya nzoka.” Mwabona, eco ncintu cibyaabi nca kabona, a kulilemeka kupati maningi, nkabela wa kabaita kuti bapaizi “nzoka.” Wa kati, “Nywebo no nzyalani ya nzoka, nguni wamucenjezya kutija kuzwa ku bukali buboola? Muta taliki kwaamba kuti, ‘Tu jisi eci, alimwi tu zulilwa kuli eci.’ Leza ulakonzya mabwe aya,” eco nca kabona aa nkomeya ya mulonga, “ku komezya bana kuli Abrahamu. Elyo, akwalo, keembe,” aka nkekaambo nca kali mu nkanda, “kali bikkidwe ku tuyanda wa cisamu. Elyo musamu aumwi uta zyali micelo mibotu, ula gonkwa.” Oyo ngo musyobo ngwa tenta, a kupanga mulilo kuzwa ku nkuni, nywebo mwabona. Pele zisamu zibotu... . Zi—zi bamba buyo nkambauko zyakwe mbuli boobo.

¹⁶⁵ Aboobo, muli ceeci, Ndi yanda ku—ku caamba mu ciyanza eci. Tuli ku ciindi camamanino, ciindi ca kutebulu.

¹⁶⁶ Lino, mu lweendo lwa Abrahamu, wa kaswaana Leza kuzwa kumatalikilo mu ziimo zyandeene, a zimwi zimbi, kwaloo inga twa cibweza a kucitondezya. Buyo, tuli Lunyungu lwa Abrahamu, ikuti na tuli muli Kristo. Elyo Izaka wakali mwana

wakwe—wakwe muniini; wa kali mwana wakwe, sinkwela. Pele, kumuuya, Kristo wakali Lunyungu lwa Abrahamu, Lunyungu lwakwe lwabwami, lusyomo lwakwe.

¹⁶⁷ Lino tu jana kuti Lunyungu lwakwe lwabwami, lweenda mu lweendo ndulonya, oyo, Nabwiinga wa Kristo weenda mu lweendo ndulonya olo Abrahamu ndwa kacita. Elyo citondezyo camamanino eco Abrahamu nca kabona, mwana waka syomezegwa katana boola, cakali cindi Leza naka tondezegwa mu mibili wabantu, elyo Baangelo bobilo bakaseluka.

¹⁶⁸ Jesu wakati, mu Musalali Luka, cipati ca 17 a kampango ka 30, kuti, "Mbuli mbo kwakabede ku mazuba akwa Nowa." Wa kaamba kujatikizya ciindi ca Nowa. Elyo kati, "Mbuli mbo kwakabede mu mazuba akwa Sodoma," mwabona, Kuboola Kwakwe, "mbubonya mbo ciya kuba mu mazuba cindi Mwana wa muntu ano yubununwa." Lino, Ta kaamba kuti "Mwana wa Leza" muku yubununwa. "I Mwana wa muntu!"

¹⁶⁹ Lino, Jesu wakasika mu mazina otatwe. Mwana wa muntu, uuli musinsimi; Mwana wa Leza, oyo wakainda mu bukkalo bwa Mbungano; mpawo Mwana wa Davida. Pele akati ka Mwana wa Leza a Mwana wa Davida, kweendelana ku Ijwi Lyakwe Mwini, a kweendelana kuli Malaki 4 a Magwalo manji, Uyo jokela mu Mbungano Yakwe, mu ciimo cakunyama, mu bantu, mu i...mu bantunsi, mu nzila ya kuba musinsimi. Mwabona?

¹⁷⁰ Elyo amulangilile eco Muntu oyu nca kacita cindi Na kaseluka kubona Abrahamu. Cintu citaanzi, Wa kaambilia Abrahamu kujatikizya zina lyakwe kucincwa, nkaambo Ta ka mwiita kuti Abram, Wa kamwiita kuti Abraham. Alimwi cindi Na kacita, baa, tu jana kuti—kuti Wa kati, "Uli kuli mukaintu wako, Sarah?" S-a-r-a-h; kutali S-a-r-r-a.

¹⁷¹ "Baa," wa kati, "uli mu tente kunze Lyako."

¹⁷² Wa kati lino, waa kali makumi ali fuka a Abrahamu bakali mwaanda, elyo Wa kati, "Lino Ndiyo muswaya kweendelana ku cisymezyo, ciindi ca buumi."

¹⁷³ Elyo Sarah wakali mukati, waka Mu mvwa, kaswiilila kwiinda ku bulambo bwa tente, nkabela waa kali seka mwini. Elyo Angelo, Muntu kakkede awo, kati, wakatweluka muuya wakwe kusule, kunze Lyakwe, a kuti, "Nkaambonzi Sarah waseka, kwaamba makani aa zintu ezi?"

¹⁷⁴ Ee, ba kaita Sarah, nkabela wa kacikaka. Wa kati, "Pele wa cicita." Wa kayoowa.

¹⁷⁵ Lino Jesu wakati, kakutanaba buyo Kuboola kwa Mwana wa Leza, na Mwana wa... kuboola kwabili, kuti obu bukkalo mbo tuponamo...

¹⁷⁶ Wa kaboola mbuli Mwana wa muntu, musinsimi, nkaambo oko nkuzulizya Lugwalo. Musa wakati, "I Mwami Leza wanu uyo busya musinsimi mbuli ndime." Toonse tulizi kuti oyo wakali

Jesu. Sa tatuzyi? Aboobo Wa kaboola kweendelana ku Lugwalo, musinsimi. Kwiina nakaliita Mwini kuti Mwana wa Leza; Wa kaliita buyo Mwini kuti Mwana wa muntu.

¹⁷⁷ Pele lino Mpali, kwiinda mu bukkalo bwa Mbungano lino, Wa kali Mwana wa Leza. Mu Mileniamu Uyo oba Mwana wa Davida, kakkede aa cuuno cabwami ica Davida. Pele akati ka ciindi eci, tu jana kuti kwiinda ku Magwalo, We elede kuliyubununa Mwini alubo mbuli Mwana wa muntu, musinsimi.

¹⁷⁸ Nkaambo, Ijwi lya Mwami liboola ku basinsimi buyo, kutali kuli basilwiiyo lwabukombi. Ndya ku basinsimi. Elyo Mwami wakati taakwe Nca kacita, mu Ijwi Lyakwe litasanduki ndyo twazwaa kwaambaula, kusikila lutaanzi Wa tondezya basinsimi Bakwe. Alimwi ciindi camamanino, zinamatizyo zili ciloba lyaka namatikwa ku Bbaibbele eli, maseseke aliciloba a Kristo oonse, zyelede kuyubununwa lutaanzi, alimwi inga caletwa buyo ku musinsimi. Twa kali kulangila eco, kwa myaka, alimwi tula syoma kuti Muuya Wakwe uli akati kesu lino, aboobo tu jana.

¹⁷⁹ Lino amulangilile cindi Jesu nakasika, amulange eco Nca akacita kulitondezya Mwini kuba Mesiya oyo, oyo Umwi Uunanikidwe. Buzuba bumwi, Na kamana kutambula... I Taata wakali selemukide a kukkala muli Nguwe, mu ciimo ca nziba kaiseluka kuzwa ku Julu, kwaamba, "Oyu ngo Mwana Wangu Uuyandwa, muli Nguwe Mwe nkondelwa kukkalamo."

¹⁸⁰ Ako nkekaambo Nca kati, "Mebo a Taata Wangu tuli Bomwe. Taata Wangu ukkala muli Ndime. Nseli Ndime uucita milimo; ngu Taata Wangu oyo ukkala muli Ndime."

¹⁸¹ Johane wakapa bulunguluzi, mukubona oyo Muuya wa Leza, mbuli nziba, kuuseluka. Ii Jwi kalizwa kuli Ndilyo, kalyaamba kuti, "Oyu ngo Mwana Wangu uuyandwa muli Nguwe Mwe nkondelwa kukkala." Mwabona, alimwi Wa ka kkala muli Nguwe.

¹⁸² Lino amulangilile cindi mulimo Wakwe niwa katalika, Wa kacita kulilemeka Mwana wa muntu eno. Lino amulange eco Nca kacita. Mpaawo kwa kaboola mwaalumi wa zina lya Simooni Petro. Zina lyakwe wakali Simooni kaindi, kumane uutegwa Petro. Andreya wakali kujanika ku muswaangano wa Johane; elyo mpawo cindi Jesu nakasika, a Johane waka Mu zibya, wa ka Mu bona. Elyo Andreya wakalomba munyina, Simooni, kuboola ku muswaangano a nguwe.

¹⁸³ Elyo wa kaambilwa a bawisi, mbuli mbo cakaamba kuti, "Kuyo boola ciindi, kakutanaba kuboola kwa Mesiya wini, kuti kuyooba ba mesiya banji babeji bayo buka." Lyoonse kuli nzila eyo. Wa kati, "Pele, bana, amuyeeye, Mesiya wini, muyo Mu ziba nkaambo Uyo oba mbuli ku Lugwalo. Uyo oba musinsimi. Lino, tii twa kajisi musinsimi kwa myaanda a myaanda ya myaka, kuzwa kuli Malaki. Pele kuyooba bantu banji bayo bamba kutaminina, eco nco tuzi kuti cakaliko; kwakali Jesu wakabuka

a kucita cikama, azimwi zimbi. Pele oyu Mesiya wini uyooba musinsimi.” Elyo boonse ba Hebrayo baka yiisigwa kusyoma eco basinsimi nco baamba kuti mbwini.

¹⁸⁴ [Kabeela katakwe cintu aa teepu—Mul.] Mpoonya awo oyo muzeli wa nswi wakayiide, oyo ngo twa kaambilwa taka jisi lwiyyo lukubwene lwa kulemba zina lyakwe, i Bbaibbele lyakati wa kali “bantu buyo a batayiide,” wa kaziba obo kuba Mwana wa Leza. Wa kaziba ceeco kuba Mesiya, nkaambo kwakali musinsimi. Kwakali Umwi Oyo waka mwaambila zina lyakwe mbo lyakabede, a kumwaambila obo zina lya bawisi mbolya kabede. Mpawo wa kalizi kuti wakeelede kuba musinsimi, nkaambo Muntu taka muzyi. Elyo wa kapegwa zijaluzyo zyaku Bwami.

¹⁸⁵ Elyo tu jana kuti kwakali bamwi bakaimvvi alya kabaswiliila kuli ceeco, alimwi umwi wa zina lya Filipo, oyo waka jisi ii...wakali kuba a kwiiya kwa Bbaibbele a mweenzuma, wa zina lya Nataniyeli, kayandaula Mesiya. Aboobo uleenda kuzunguluka mulundu, kutandila lweendo lwa buzuba, a kujokela. Elyo wa jana oyu Nataniyeli okuya kunsi lya ii—ii musamu wa bukuyu, kakomba. Elyo wa kati, “Bool, ubone Oyo ngo twa jana, Jesu waku Nazareta mwana wa Josefa.” Aboobo Nataniyeli mukuba . . . na Filipo na . . .

¹⁸⁶ Nataniyeli, mubwini, mukuba muntu uli kabotu, wa kati, “Lino, sa inga cimwi cintu cibotu cazwa mu Nazareta?”

Wa kati, “Ee,” wa kati, “boola buyo ubone.”

¹⁸⁷ Lino, oko nkukulwaizya kabotu. Boola, uzoli bonene omwini. Uta kkali ku ng’anda a kukazya. Boola, uzo ziba. “Amulingule Magwalo, muli ngawo muyeeya kuti mujisi Buumi Butamani.” Jesu wakati, “Nge Ngawo ayo aa Ndi lungulula.”

¹⁸⁸ Aboobo mu lweendo kujokela, kwiina kuzumbauzya, ba kajisi mubandi muniini. Wa kamwaambila, kati, “Yebo ulizi oyo muzeli mudaala watakali kukonzya kusaina elyo tiketi lya nswi nzo kajisi buzuba obo? Wa kamwaambila. Nywebo mulizi kuti bawisi bakali kutala kuya mu mbungano, zina lyakwe wakali Jonasi. Sa mula yeeya? Aboobo, Wa—Wa—Wa kamwaambila kuti wakalini.”

“Oh, Nde elede kuyo bona ceeco.”

¹⁸⁹ Aboobo cindi na keenda kumbele, alimwi ndiza wa kali mu mundando wa mipailo, awo Jesu mpa kabede. Ta ndizi. Wa keenda kumbele mu Busyu bwa Jesu. Jesu waka mulanga, a kuti, “Amubone mu Israyeli, muli nguwe mutakwe luuni!”

¹⁹⁰ Lino, busena butaanzi, yebo wati, “Mbobuti Mbwa kaziba kuti wakali muna Israyeli? Ee, nkaambo wa kali samide?” Peepe, peepe.

¹⁹¹ Boonse Bakujwe basama ayo matabbani. Ba sama cakukozyanya. Elyo bakati, “Muna Israyeli.”

¹⁹² Elyo Wa kati, "Kwiina luuni!" Na kakonzya kuba mumpelenge na kufumbwa cintu, mpawo naka yutululwa. Wa kati, "Muli ceeco mutakwe luuni!"

¹⁹³ Elyo aboobo musyobo oyo waka gusya buyumuyumu muli Nataniyeli, aboobo wa kati, "Rabi, ino Wa kasola kundiziba lili? Baa, Nse—Nse—Nse cimvwysi eci. Ndelili Niwa kasola kundi zyiba? Nsena Ku mvwa. Nda letwa ncobeni buyo awa a Filipo. Ndelili Niwa kasola ku ciziba?"

¹⁹⁴ Wa kati, "Kotana kuba kunci lya cisamu ca mukuyu, kuciindi noliko okuya kopaila, Nda kubona." Inzya. Mwabona?

¹⁹⁵ Wa kati, "Rabi, Yebo uli Mwana wa Leza. Yebo nduwe i Mwaami wa Israyeli."

¹⁹⁶ Jesu wakati, "Nkaambo Nda mwaambila eci, mwa kasyoma? Mpawo moyo bona cipati kwiinda eci."

¹⁹⁷ Lino, mbaabo bakaimvwi awo. Lino andi mupe kucenjezegwa kuniini. Kwakali abo bakaimvwi okuya, marabi a bapaizi, elyo ba kati, "Oyu Muntu ucita ceeci kwinda muli Beezebule."

¹⁹⁸ Elyo Jesu wakanyona a kuti, "Njo mujatila kuli ceeco," nkambo mulungo tiiwa kalina bambwa, "pele buzubabumwi Muuya Uusalala uyo boola a kucita cintu nciconya," Wa kati, "elyo kukanana ijwi lyomwe kulwana Ceeco, ta kuka jatilwi kuli ndinywe mu nyika eyi naanka nyika iiciza."

Aa mwanakazi ku mukalo, ba Samaria.

¹⁹⁹ Lino, kwakali mikowa yotatwe ya bantu aa nyika. Inga twaba basiya, basalaluka, yello, kufumbwa mbo tubede, pele tu zwa ku bulowa bomwe. Elyo kuli mikowa yotatwe, eyo yakazwa ku bantu ba Hamu, Shemu, a Jafeti; elyo oyo mu Juda, Namasi, a Musamariya, wakazyalwa kumu Juda a Musamariya.

²⁰⁰ Lino, swebo to Bamasi, Anglo-Saxoni, twa kali bahedeni, katukomba mituni. Tii twakali kulangila Mesiya.

²⁰¹ Aboobo cindi Jesu naka liyubununa Mwini mbuli Mwana wa muntu... Lino amuswiilile kabotu, nkabela Ndila jala. Cindi Jesu nakasika, Wa kali sinikizidwe kwiiminina eco musinsimi nca kaamba kuti Uyo oba, aboobo okuya Israyeli katana Liiminina Mwini, kumbele lya Petro a Nataniyeli abaabo okuya, mbuli Mwana wa muntu.

²⁰² Lino Wa kayandika kwiinda ku Samariya. Elyo Ngooyo wakauka kutala ku Samariya, nkabela okuya Wa kajana mwanakazi wakkede ku mukalo. Tu lizi kaano, alimwi mbuli mbwa, ba kaambaula antoomwe. Waa kaboola kuzoteka maanzi. Wa kati, "Amu Ndi letele akunywa."

²⁰³ Elyo waa kati, "Lino, kuli lusalululo lwa mibala okuno, ta tukonzyi kuba a ceeci. Elyo Ndili mwanakazi waku Samaria, nkabela Uli mu Juda. Ta tujisi..."

²⁰⁴ Wa kaamba, “Pele ikuti niwali muzyi Oyo ngo wambaula awe, inga no Ndi lomba cakunywa.”

²⁰⁵ Waa kati, “Ee, mukalo mulamfu, ino Ula tesya nzi?”

²⁰⁶ Elyo mubandi waka zumanana mane Wa kakwaba muuya wakwe. Elyo cindi Na kakwaba muuya wakwe, Wa kajana lyakali penzi lyakwe. Mbangaye bazi obo? [Mbunga yaamba, “Ameni.”—Mul.] Lino muli bongaye beenzu bazi kuti bwini? [“Ameni.”] Mbo mbubo, obo bwakali bwini.

Elyo ino Wa kaamba nzi? “Koya kalete mulumi wako muboole okuno.”

Waa kati, “Ta ndi jisi mulumi.”

²⁰⁷ Elyo Wa kati, “Yebo waamba kabotu. Nkambo wakali jisi balumi bosanwe, alimwi oyo ngo pona awe lino tali mulumi wako.” Waa kanyona.

²⁰⁸ Lino, ta kali mbuli bapaizi abo, kati, “Uli jisi dyabulosi. Walo musondi na cintucimwi.”

²⁰⁹ Waa kanyona, elyo waa kati, “Munene, Nda kuziba kuti Uli musinsimi. Lino, tii twa kajisi omwe kwa myaka ili myaanda yone. I mbungano tiiya kazibide kuli cili boobu. Pele twa ziba, Nda kuziba kuti Uli musinsimi. Lino, Ndi lizi kuti tu langila Mesiya. Elyo cindi Mesiya akuboola, nce cintu eco Ncayo cita.”

²¹⁰ Lino Bbaibbele lyakati, “Ngu mbobuca nguwenya, sunu, amuya myaaka.” Ikuti na eco cakali citondezyo cakananikwa ca Mesiya kaindi kuya, ku mu Samaria a kumu Juda . . . Lino, tii cakacitwa kumbele lya Bamasi. Taakwe amwi mu Bbaibbele Jesu mpa kasola kucicita kumbele lya Bamasi. Ba kajisi myaka ili zyuulu zyone ya kulangila Mesiya; twa kajisi myaka ili zyuulu zyobilo, a kwiya kwabo, akwalo, ku kulangila Mesiya.

²¹¹ Lino, ikuti na eco cakali cizibyo Cakwe kakutanaba buyo kumana buzuba bwabo, ceelede kuba cizibyo cesu, nkaambo Wa kasyomezya kuti Mwana wa muntu uyo liyubununa Mwini alubo mu buzuba obo inyika mbo iya kuba mbuli Sodoma alubo. Elyo kufumbwa muntu ulizi kuti tuli kokuya. Mwabona?

²¹² Lino, Nda syoma kuti Jesu Kristo ulabamba Ijwi lyoonse. Magwalo oonse ali nanikidwe. Nse syomi kuti tu jisi nguzu yomwe, alimwi iyo pegwa mulandu kuli njiyo, ikuti na twa yungizya ijwi lyomwe kuli Ndilyo na kugwisya Ijwi lyomwe kuzwa kuli Ndilyo. Ciybunuzyo 22 yaamba boobo. Nda syoma kuti Ngu mbobuca nguwenya, sunu, amuya myaaka.

²¹³ Nda lemeka ncobeni bana Lutherani ku kwiima kwabo mu buzuba bwabo, ba Methodisti ku kusalazigwa mu buzuba bwabo, a ba Pentekoste ku kwiima kwabo mu buzuba bwabo, pele tu pona mu buzuba bumbi. Tu pona cindi nokutakwe cikuba, ngalala, cikwa, kutandila mbuli Whiiti, pele Whiiti ili mukati ka cikwa. I cikwa caka gwasya buyo Whiiti, katantamuna zuba lipya kuzwa kuli Njiyo. Elyo lino kabungwe

kali mukusomoka kuzwa kuli Ndilyo, kutegwa Li konzye kulala mu Busyu bwa Mwana, kuti kukabizwe. Aboobo tuli—tuli mu... Takukabi limbi tubunga tubuka. Aya mamanino a ncico. Twa kali jisi, lyoonse kutandila myaka yotatwe, cindi mulumbe watalika, ba kaubunganya.

²¹⁴ Eci cili mukuzumanana kutandila myaka iili makumi obile, nkabela kwiina kabunga. Ta cikonzeki. Tuli mu ciindi ca Whiiti, ciindi ca kutebula. Nda konzya kumvwa muncini mupati uutebula mbouboola. Tuya ku Muunzi buzuba bumwi. “Ngu mbobuca nguwenya, amuya myaaka.”

²¹⁵ Lino, Nseli Nguwe, pele Ndili mulanda Wakwe. Nse syomi kuti mwa bikka maanza aa bantu a kubapa zipego. “Zipego a kwiitwa tazibooli ku kweempwa.” Ba kanzidwe, aa Leza, kukkwanya bukkalo a ciindi ca bukkalo obo. Kufumbwa sicikolo wa Bbaibbele ulizi kuti mbwini. Musa wakazyalwa mu ciindi buyo. Jeremiya, mu ciindi, boonse bamwi babo. Johane Mubapatizi, mu ciindi. Jesu wakali mu ciindi. Elyo tuli mu ciindi. Eci nce ceelede kucitika.

²¹⁶ Lino, Nda taminina kuti Ula pona sunu, a Muuya Wakwe. Kwaakumana makkalo aa mbungano, tuli mu bukkalo bwa mbungano ya Laodikeya, kwiitwa kwa mamanino, a babi kwiinda boonse babo, nkaambo Wa katandwa kuzwa mu mbungano. Amuyeyeye, Mwana wa muntu, alimwi Wa katandwa kuzwa mu mbungano; kutali kabunga kuzwa ku kabunga, pele Muntu kuzwa mu kabunga. Mwabona? Taakwe makkalo ambi aa mbungano akajisi ceeco, Laodikeya buyo. Ikuti na uli simuuya, uyo mvwisya.

²¹⁷ Taata wesu Wakujulu, lino Nda lungulula nconzyo zya Nduwe. Lino ikuti obu mbwini, kwalo Ndi lizyi mbobubede, Mwami, Ndila syoma kuti nea bwini, Lungulula kuti Nda amba Bwini. Mu Zina lyu Jesu Kristo. Ameni.

²¹⁸ Ndiyo buzya cintucimwi, aniini buyo. Nselikuyanda kuba a kutweluka kumwi mu mundando, nkaambo Nda yeeya kuti yoonse mwakali mu mulimo wangu. Pele ku bantu aba bali awa, nobamwi bantu amutalike kupaila, a kulekela buyo muntu umwi mu mundando, na cintucimwi. Elyo lino ikuti na Jesu Kristo uyo bweza muntansi oyu. Ta cikabeleki kakutakwe nduwe. Ndo nduwe ucicita.

²¹⁹ Lino, amuswiilile, mwanakazi wakaguma cikobela Cakwe, buzuba bumwi, elyo Wa kanyona, kati, “Nguni wa Ndi guma?”

²²⁰ Boonse bakati, “Baa, Uli bonya...” Na, Petro wakati, “Baa, bbunga lyoonse lila Ku guma.”

²²¹ Wa kati, “Pele Nda mvwa kuti Nda kompama, na nguzu zyazwa kuli Ndime.” Nguzu ni “nsana.” Elyo kati, “Nda mvwa kuti Nda—Nda kompama.”

²²² Elyo aboobo Wa kalanga koonse, aa mwanakazi, kusikila Wa kamujana, a kumwaambila makani aa munzwi wakwe wamu bulowa. Elyo kuti waa... Wa kati, “Lusyomo lwako lwa kufutula.” Yaa.

²²³ Lino, Ngu mbobuca nguwenya, sunu, amuya myaaka. Alimwi Cizuminano Cipy, Bbuku lya bahebrayo, lya kati, “Ndyoonya eno Walo Mupaizi Mupati umu kombelezezya, oyo ukonzya kugumwa ku kulimvwa kwa kulengauka kwanu.”

Lino, awa, sa oyo—sa oyo ngumwi wa balwazi awa? Boola.

²²⁴ Lino, ku bbunga. Nse citi ceecei kumweebwa, beenzuma. Lino amuleke kuyeeya ceeeo. Amuyeeeye, Nda jata miyeeyo yanu. Mbangaye bazi kuti obo mbwini, a ku cibona?

²²⁵ Ngooyu mwanakazi oyo Ngwe—Ngwe ntana bwene. Nse zyi cintu comwe kujatikizya mwanakazi. Antela twa kazyalwa mubweende buli kabotu, a myaka iitantamukene, elyo mpaawa twaima awa sunumasiku. Tuli beenzu kuli umwi aumwi. Nse kuzi. Lino, Nse jisi muzeemo. Ngooyu, ngooyu—ngooyu Musalali Johane 4 alubo, ii—ii mwaalumi uswaana mwanakazi. Lino, Nseli Jesu alimwi tali mwanakazi oyo. Pele nceeci cileelene buyo. Elyo Wa kati, “I milimo eyo Nje cita moyo icita anywebo.” Lino, Ta ndizi. Citola lusyomo lwa mwanakazi oyu kucicita. Nse zyi cintu kujatikizya nguwe. Pele lino ikuti na Nda amba kuti obo mbwini, nkokuti Leza ulisinikizidwe kubamba i... kwaamba eci cili luleme. Lino, muku taziba, ikuti na Leza wa Julu...

²²⁶ Elyo Nda kaamba Bwini. Sena mula syoma kuti eco nce Nda amba kujatikizya eco cili Mbwini? Mula zumina eco kuba bwini? [I mucizi waamba, “Nda cisyoma.”—Mul.] Mula syoma obo na? Inga nsemikila awa kumbele lya Bbaibbele eli Lisalala akusola kusweesy umwi, muntu wa bukkalo bwangu, a kuziba kuti Nde elede kuyo swaana Leza kutala ku Mungwala wa Lubeta. Twe elede kwiiima okuya, buzubabumwi. Tu lizi obo.

²²⁷ Lino ikuti na Leza wakonzya kuyubununa, kuli ndime, cintucimwi mu buumi bwako, kuti ulizi kuteeti Nse zyi cintu kujatikizya, nkaambo Nse kuzi. Ikuti na ncimwi, inga caba cintucimwi mu buumi bwako. inga nseziba cintu kujatikizya ncico. Inga ceeela kuzwa ku Nguzu ziindakugambya. Elyo mpawo inga caku yutukila, eco ncowali kuyeeya kuti zyali Nguzu.

²²⁸ Lino kuli ndinywe nobaiminizi bapya. Lino Nda jatilila janza lyangu. Lino, akaka muteendauki lino, nkaambo, mwabona, umwi aumwi muli muuya. Cindi Nda nyona, ulimvwa buyo mbuli ii—ii kukwela kuzwa koonse. Mwabona, muli—mulii bantunsi alimwi mujisi myuuya. Elyo uli muuya. Ikuti na toli obo, uli fwide. Aboobo ula lemeka buyo, asyoonto buyo.

²²⁹ Elyo nywebo nobaalumi okuno, amukombe. Nse kali kulangila ceeci, nsena boola kuli ceeci sunumasiku, pee. Nda boola kuzo kombela buyo balwazi. Pele abo mbe beenzu.

²³⁰ Lino, sena mula syoma obo? Ikuti na Mwami wakonzya kundaambila penzi lyako mbolibede, na kaambo ncoli waano, cintucimwi nco kacita na kweeleta kucita, na—na cintucimwi cimbi, mpawo uyo syoma? Ncibotu, Ndi sola kukwabana a muuya wako, nywebo mwabona. Eco ncencico nce Ndili mukusola kucita. Mboli Mbwa kacita ku mwanakazi ku mukalo, Wa kaambaula kuli nguwe aniini, mwabona, Wa kali kulomba akunywa. Eco nci ncico Nce sola kucita, nkujata mizeezeo yanu, kutali kubala mizeezeo yanu; pele kusola mboli Mbwa kacita, kutweluka miyeyeo yanu.

²³¹ Uli waano nkambo ka bulwazi bwa mwida. Ujisi penzi lya mwida. Mbo mbubo. Tambika janza lyako ikuti na obo mbwini. Sena ula syoma lino? Kutali buyo eco, pele ufwala ya cintu cimwi cimbi. Yebo uyanda lubapatizyo lwa Muuya Uusalala. Kovukauzya janza lyako ikuti na obo mbwini. Mwabona? Nda kabona Mumuni oyo kauselemuka aali nguwe, elyo mpawo upiluke, mwabona. Koya uka kutambule Muuya Uusalala, mu Zina lya Jesu Kristo, bwiinguzi.

²³² Sena mula syoma lino, mweenzu mupya? [Mbunga yaamba, "Ameni."—Mul.] Lino mwati . . .

²³³ Lino awa, mwabona, cindi obo bunanike bwatalika lomwe, mpawo mpaawa Bwa unka. Mwabona, mwanakazi mbwa kamvwida buyo, ngooyo mbwabede, uli luleme lino . . . Ula ziba kuti kuli Cintucimwi munsi lyakwe.

²³⁴ Mbangaye bakasola kubona cifoto ca Musumpululu wa Mulilo oyo, Mumuni ulya okuya? Ku Washington, DC. Mwabona? Lino Ndi lombozya . . . Calo ncilao cimbi, boneka. Ndi langide eni ali Ncico. Nceeco Cila lengelela mpoonya awa munsi lya mwanakazi. Ndi langide nkoonya kuli Ncico.

²³⁵ Lino, Ndili mweenzu umaninide ku mwanakazi oyu. Nse muysi. Alimwi Ndila zumbauzya loko na uli ndizyi, cita biyo kuba mu muswaangano. Kwa mana. Pele ikuti na Leza wakonzya kundaambila cintucimwi kujatikizya nduwe, na cintucimwi mboli buyo kaindai kainda, sa inga wandisyoma kuba musinsimi Wakwe, mulanda Wakwe? Inga wa syoma eco a moyo wako oonse? Ee, akube kuti Acipe. Uli, ula nganya kupandulwa, nkabela oko kupandulwa kutandila janza lyako. Taakwe busena ali ngawo, pele ncilwazi ca nsinga zyakuyeeyle mu janza lyako. Oko kwa kacitwa a ntenda, alimwi weelede kupandulwa. Yebo ula syoma, alimwi to elede ku pandulwa, ikuti na uyo syoma buyo a moyo wako oonse! Eco ciyo cita. Sena ula ndisyoma kuba musinsimi Wakwe? [I mucizi waamba, "Oh, iiyi, munene, Nda cita."—Mul.] Inzya.

²³⁶ Koba buyo a lusyomo eno. Uta zumbauzyi buyo. Kosyoma buyo. Lino, awa, amulekele oyu umbi mwanakazi omwe, nkaambo oyu mwanakazi uli muciiimo cibyaabi kapati. Nywebo mwabona cimvule eco cisija? Mbangaye bakasola kubona cifoto

cakatolwa ku cimvule cisiya ca lufu? Cila lengelela atala lyamwanakazi ndyoonya lino. Ikuti na Leza tamugwasyi, ta konzyikupona. Walo ujisi cikoto. Elyo cikoto cili mu boongo. Uh huh. Uh-huh. Uh huh.

²³⁷ Oyandwa Leza, ikuti na Nkoli lino, oyo uzi zintu ezi zyoonse, Nda komba, Oyandwa Leza, kuti Uyo ponya mucizi wesu. Komuleka apone, Taata, nkambo ka bulemu Bwako. Nda lomba mu Zina lyam Jesu Kristo. Ameni.

²³⁸ Wapona buti? Uli muntu mubotu singuzu. Ikuti na baama bakali kupona, niba kali kutandila kukomena kwako, Nda yeeyela. Uli mu Bulemu, sunumasiku. Lyoonse ula ndikombela cindi Ne kaunka ku muswaangano. Nda kati ku Mwami... [I mucizi waamba, “Ndili makumi ali lusele ayosanwe.”—Mul.] Baama? (“Ndili makumi alilusele aosanwe.”] Myaka ili makumi ali lusele ayosanwe yakukomena. Lelekwe moyo wako, mucizi.

²³⁹ Lino, Ndili mweenzu umaninide kuli nduwe, Nda yeeyela. Tuli myaka ya lwandaano mu bukkalo bwesu. Elyo Nse kuzi. Nsena kubwene. Tuli bantu bobilo buyo baka swaana ano aa nyika, pele uli Munakristo. Uli musyomi. Nkaambo, kaambo Nce zibila ceeeo, nkulimvwa kwa muuya wako. Uli, wandi tambula, wabona. Elyo Nda cisyoma kuba Muuya Uusalala, nkaambo upa milimo a micito ya Muuya Uusalala. Mwabona? Alimwi Ndi lizi kuti Ngo Nguwe. Ndili cizyo eci cintu nco tukanana kuti nca bwini. Lino, Ndi lizi kuti mbwini.

²⁴⁰ Lino, Ta ndizi eco cinga cili lubide. Pele ikuti na Mwami Jesu uyo ndiyubunwida eco cinga calubila kuli nduwe, sa inga... inga waziba naa cali luleme na pe, na kundaambilacintucimwi nco kacita, na ncota kelede kucita. Inga mwasyoma kuti wakali nguwenya Mwami Jesu, Leza nguonya wakali kukonzya kwaambila Filipo awo mpakabede, kaambila Simoomi zina lyakwe mbo lyakabede? Sena mula Mu syoma kuba Umwi nguonya?

²⁴¹ Penzi lyako ndi penzi lya mala. [I mucizi waamba, “Mbombubo.”—Mul.] Oko kuli luleme. Sa eco taciluleme? (“Iiyi, munene.”] Mula ndisyoma lino kuba musinsimi Wakwe? Zina lyanu ngu Muka. Bayer, Muka. Bayer; Bayer, mbuli Bayer aspirini. Mbo mbubo. Wa ponesegwa. Ko zumanana, Jesu Kristo akubambe kuba kabotu. Leza amu longezye.

²⁴² Ula syoma a koonse kwako... Lino ikuti na ujisi buyo lusyomo, uta zumbauzyi!

²⁴³ Lino, toli kokuno ncobeni kuli lwako. Uli waano nkambo ka muntuumwi umbi. Walo mwaalumi, alimwi tali kokuno, mukwesu. Oyo mukwesu uli mu kabunga kalanganya banyongene kuyeeya. Ko bweza katambala ako nko jisi mu janza lyako, kuciindi Muuya kauli aali nduwe, ko mutuma kuli nguwe. Amucibikke aali nguwe, muta zumbauzyi, uyo zwa mu

kabunga ka basondokede a kuba kabotu. Sena mula cisyoma? Leza amu longezye.

²⁴⁴ Koamba kuti, "Wa amba kuteeti, 'Oyo Angelo, mu buzuba bwamamanino okuya, Wa kapede sule Lyakwe.' Ee, wa langa."

²⁴⁵ Nse komulanga oyu mwanakazi. Nda nyona sule lyangu. Lino, mulindu, umwi mulwazi, sa inga wandimvwa, wati "iiyi." [I mucizi waamba, "Iiyi."—Mul.] Ikuti na Mwami Jesu uyo yubununa kuli ndime penzi lyako, cindi Nda langa nzila eyi, muyo ziba naa mbwini na pe. Sa mbo mbubo? Sena mula syoma mpawo nkuzulizya eco Jesu nca kaamba, "Ciyo citwa mu mazuba aakumamanino, mbuli mbo cakabede ku mazuba akwa Sodoma"? Sena mula cisyoma? Ujisi kunyongana kwa bulindu, penzi lya kubukaintu. Kosyoma a moyo wako oonse lino, ci lazwa alimwi inga wainka ku muunzi a kuba kabotu. Leza aku longezye.

"Ikuti na mwakonzya kusyoma!"

²⁴⁶ Sena ula syoma kuti Leza uyo ponya penzi eelyo lya moyo? Ee, kozumanana buyo kweenda, kwaamba, "Ndaku Lumba, Mwami!" Kosyoma!

²⁴⁷ Konyamuka kuseeni, inga tokonzyi kweenda. Coondamazwi ncintu cibyaabi, pele Jesu Kristo ngo Musilisi wa coondamazwi. Sena mula syoma eco? Wa seluka kuzwa mu kkabbu, kumbali, kuyaansi. Nda kubona kocita eeco. To elede kucita ceeco limbi, ikuti na uyo syoma. Sena ula syoma kuti Nda katumwa ku bukanze obu? [I mucizi waamba, "Nda cita."—Mul.] Mpawo, mu Zina lya Jesu Kristo, akube kuti cimusiyi. Ameni.

²⁴⁸ Yebo ujisi penzi lya mwida. Sena ula syoma kuti Leza uyo kulekela kuunka ku muunzi, kuyoolya cilalilo cako, limvwe kabotu kujatikizya ncico? Koya mu lweendo lwako, ukalye cilalilo cako, kosyoma nkabela uyo limvwa kabotu.

²⁴⁹ Yebo ujisi bukompami bwaboola kuli nduwe, mbo mbubo, nkaambo moyo wako uli muciimo cibyaabi. Mbo mbubo. To cicijisi limbi lino. Koya, ko cisyoma.

²⁵⁰ Ino kuti ni Nda taamba jwi lyomwe kuli ndinywe, a kubikka buyo maanza ali ndinywe, sa inga wandi syoma, ayebo, kuti uyooba kabotu? Koboola kuno.

²⁵¹ Oyandwa Taata Wakujulu, Nda komba kuti Uyo ponya mwanakazi a kumubamba kuba kabotu, kwiinda mu Zina lya Jesu Kristo. Ameni.

²⁵² Mbangaye bantu awa basyoma, mbangaye banu beenzu, nyoonse nobantu?

²⁵³ Amuyeeye buyo, elyo Nse konzyi kubona bantu kababoola lino. Amuyeeye buyo, cilengaano comwe caka citya Mwami Jesu kukompama. Mbangaye bazi obo? Mwanakazi omwe waka Mu guma. Daniele wa kabona cilengaano nkabela wakapenzegwa

ku mizeeo yakwe, mutwe wakwe, kwa mazuba masyoonto. Mbangaye bazi boobo? Mwabona? Yaa.

²⁵⁴ Lino mbangaye banu no bantu basyoma boobo, kuti oyu Muuya Uusalala? Sena ula cisyoma a wako onse... Kutali ndime, eno. I Muuya Uusalala! Lino mbaaba baalumi bakkede awa basyoma boobo, abalo.

²⁵⁵ Lino bamwi, lino bamwi bambi banu no bantu abo bajisi makkaadi aa mipailo, Ndi yanda bantubonse abo bayo oba mu mundando oyu wa mipailo, amwiime ku matende anu, aniini buyo.

²⁵⁶ Amulange, Ndi yanda kumubuzya mubuzyo usinizizye. Sena mwa lyaambilila zibi zyanu zyoonse zili omuya? Mula syoma? Sena wali lekelela, alimwi ula—ula syoma kuti uyo ponesegwa? Wa lyaambilila zibi zyako zyoonse a ku lulamika bulubizi boonse? Amunyamune maanza anu mujulu, ikuti na mujisi, kumbele lya Leza, mula syoma obo.

²⁵⁷ Elyo lino a maanza anu mujulu, akwalo, sena mula syoma kuti citola Muuya Uusalala, alimwi oyu Muuya Uusalala uli mukuli simpikizya buyo Mwini akati kanu? Mula syoma eco a moyo wanu oonse na? [Mbunga yaamba, “Ameni.”—Mul.] Mula cita na? Mpawo umwi aumwi wanu inga waponesegwa.

²⁵⁸ Lino sena muli jisi lusyomo a kaanzambwene mu bakutausi aba bakkede awa? Sena mula basyoma baalumi, abalo? ino kuti twa mupailila, umwi aumwi, elyo mpawo mwiinde munsi akubikka maanza ali ndinywe.

²⁵⁹ Eci cilandi kompanya kapati. Eco cila zumanana mbuli boobo, cindi jata—cindi jata buyo.

²⁶⁰ Elyo Ndi—Ndiyo unka ku South Africa kwamana ceeći. Nkambo, oh, ma, nywebo mulizi obo mbo cibede kunselelo kuya oko nko muta konzyi akwalo kwaambaula ku bantu. Elyo inga kwaba... Tuli nokuceya kulangila zyuulu zili myaanda yotatwe, muswaangano omwe.

²⁶¹ aboobo amusyome buyo! Muli omuno mu America, mwaka Ci bona koonse akoonse.

²⁶² Oyandwa Leza, bantu aba bali bulide. Elyo Nse zyi cintu cimbi eco Nco konzya kucita, Taata, ku tondezya kuli mbabo kwiinda ku Ijwi Lyako, kuti Nduwe Leza uutasanduki. Nda syoma kuti twa kabona zintu zipati maningi, Mwami, a kulya kuzwa ku tafule Lyako, aCilyo ca Buumi, cibotu ceebekwa Citamani, mane twa ba... a kuzibila maningi kuli Ncico. Ci—ci ncintu cakazibilwa buyo. Ta tuli, ta tulanganyi kabotu kuli Ncico, Mwami, cindi twa bona. Akwalo Ndi yeeya lwangu nkeimvwi awa, Nde elede kufugama, mukuziba kuti mpoonya awa Muuya oyo waka Mu busya kuzwa ku bafu uliimvwi mpoonya awa. I Muuya wakali aali Nguwe cindi Na kali kupona ano aa nyika, uli mpoonya awa eno. Elyo swebo, basizibi

bateeeli bacete, kwiinda mu luzyalo a luse Lwakwe, Wa kaula maumi esu. Elyo mpaawa mpo tubede, sunu, kuzumanana mulimo Wakwe, mbuli Mbwa kaamba kuti tuyu zumanana mulimo Wakwe. "I milimo eyo Nje cita myuo icita anywebo." Kusyomezya zintu ezi a kuzitondezya, omu mu inyika eyi! Mwami, Ndili lumbide loko kuli Nduwe, kuti inga Nda balwa cibeeela ca bantu Bako, mu buzuba buno bwa mamanino.

²⁶³ Oyandwa Leza, aba bantu baliimvvi. Bali cisidwe, Taata. Nse jisi nzila yaku baponya. Alimwi tociti lino, Wa kabaponya kale. Wa kayaswa nkambo ka nsotoko zyesu, ku mibunda Yako twa kaponesegwa. Aboobo, Taata, Nda komba kuti umwi aumwi wabo kwiinda awa, cindi twa ku bakombela, kuti bayo boola mbuli mbo bakabede lino kabeenda kunsi ly a ciingano. Nkambo balizi, kwiindilila cimvule ca kudonaika, Muuya Uusalala waka simpikizigwa uli waano aa cibumbili. I Kristo wa Leza uli moonya mu muswaangano. Kojatila zibi zyoonse. Gwisya kutasyoma koonse. Elyo akube kuti umwi aumwi wabo aponesegwe mbuli mbo bainda mu mundando oyu. Mu Zina ly a Jesu Kristo, Nda cilomba. Ameni.

²⁶⁴ [Ii mukwesu waamba, "Mukwesu Branham, ikuti na twa konzya kuba a boonse kukkanla, a kubweza cibaka comwe ku ciindi, eyo nzila mpawo tabako syankana."—Mul.] Inzya. Ncibotu.

²⁶⁵ Lino Ndi yanda kubuzya cintucimwi. Sa mula, bakwesu bangu, amwiime awa a ndime?

²⁶⁶ Nywebo mwabona, nceeci cintu comwe kujatikizya ncico. Bamavangeli banji bala njila mu dolopo, nkabela balacita konse kupailila baciswa, azyonse zimwi zyaco. Elyo cindi mbunga, cindi niya kamana, i—i—i bantu bakayakwa buyo koonse ku muvangeli, mwabona. Eco tacili boobo, bantu. Aba baalumi, Nda zumbauzya muntu uli oonse mu bukkalo obu... Ndili cizyi, kuli kuli kozyanisyu kunji, pele Nse koamba eco Nceli kuyo amba. Pele aba bantu ambweni inga tiiba cita ceeco, obo mbwini alimwi Ndila cizumbaunya kapati.

²⁶⁷ Pele bali buyo mbuli basalidwe aa Leza, kubikka maanza a balwazi, mbuli Mbwe na kufumbwa muntu umbi. Leza uli loko kuvuwa mupailo wabo, mbuli Mbwa konzya ku mupailo uli onse. Jesu waka tuma, "Ezi zitondezyo," zya takaamba kuti ziyo tobela William Branham, Oral Roberts, abamwi bambi, "ciyo batobelwa abo basyoma." Alimwi aba baalumi bazwide Muuya wa Leza. Mbantu baka bbizigwa, a Muuya Uusalala nguonya. Oyo Muuya waliko awa kaucita oyo mulimo kaindi kasyoonto kainda, Ucili waano. Uli ali umwi aumwi wa baalumi aba, mwabona, alimwi boonse bazwide a Ndilyo. Aboobo Ndiyo babuzya kubamba mundando wabubili ambali awa, ku mabazu aa muncali oyu awa, ikuti na bayo cita, kutegwa inga babikka maanza abo aa balwazi, abalo, mbuli mbo bainda mo.

²⁶⁸ Elyo bantu abo bajisi makkadi amipailo kuti baimikile, makkadi amipailo biyo, kwimikila mu kazila. Elyo bamwi banu amukcombe, maminiti buyo masyoonto lino. Amwiime, ku cibeela acimwi, amwiime buyo nkoonya ku lumwesi lwanu lwa cibeela canu. Amwiime anze, ku cibeela canu, elyo mpawo bayo mwiita buyo. Cindi wabona oyu kundandamikwa awa kugola, mulekele *oyu* mundando weende moonya muli nguwo. Cindi *oyu* mundando wagola, amulekele *oyu* umwi weende muli nguwo.

²⁶⁹ Elyo cindi waboola eno, yeeye, uno jisi kweenda citakuti kosityoma. Mbangaye banu abo bazi, yebo umvwa buyo mu moyo wako, kuti wa komba kwiinda muli eci, alimwi ula ponesegwa mbo aindile buyo mu mundando *oyu*? Tambika janza lyako, kwaamba, “Nda cizumina, Kristo, ndyoonya lino, nkaambo buyo kakuti Wa katuma zintu ezi.”

²⁷⁰ Lino Nda kombela umwi aumwi wanu. Tuyo komba. Ndiyo lomba Mucizi Rose na kufumbwa *oyu* uli ku organi okuya, Mucizi Rose, walombwa uzye, *I Musilisi Mupati Lino Uli munsi, nkambo* ka ndiswe. A mulekele bantu, bantu bonse bambi, babe mu mupailo. Elyo mbuli mbo bainda mu mundando *oyu* wa mipailo, Nda syoma umwi aumwi uyo ponesegwa. Leza amu longezye. Nobamwi eno kamu kotamikide mitwe yanu, akuba mu mupailo nkabo ka bamwi.

²⁷¹ Amu sinizye ncobeni. Mwabona, eyo nje nzila mukambausi muniini muna Baptisti mbwa kajana Muuya Uusalala, busiku bumwi. Wa kali kuyeeya kujatikizya ncico, kakkede buyo awo, cakusinizya loko, nkabela Ca kawida aa nkamu yoonse yabo. We elede kusinizizye a Leza.

²⁷² Lino Wa tondezya kuti Mpali aano antoomwe andinywe. Mpali awa. Lino cindi umwi amwaambila kuti ncikama buyo cakubotelwa, nywebo mulizi kabotu, embo na, nywebo nobeenzu? Wa kali simpikizya Mwini, ngo Nguwe. Elyo taakwe mutu umbi wakali kukonzya kucita ceeco. Eci tacina citwa kuzwa ku mazuba aa baapostolo. Lino cajokela buyo ku mbungano, mbuli mbo kwaka syomezegwa. I Mwami amu longezye lino.

²⁷³ Lino, nywebo no bantu, mbuli mbo mwiinda mu mundando *oyu*, amuboole, kamukomba. Bantubonse lino, “I—i Musilisi mupati uli munsi lino, Jesu silweetelelo.” Lino cindi waboola, boola a mitwe yanu kunselelo, mu lulemeko. Amwiinde. Aba baalumi babikka maanza ali ndinywe, moyo ponesegwa. [Kabeela katakwe cintu aa teepu—Mul.]

...-loko bulile muli angelo waatala...

...?...Oko kuli kabotu. Juunza masiku...?...

²⁷⁴ [Kabeela katakwe cintu aa teepu—Mul.] ...?...cintu. Pele, cintu buyo citete ca kuswiilila eco Leza nca kaamba kucita. Nda kacibona kacicitika ziindi zinji loko. Mwabona, Lugwalo tilwa

ka tulailila akwalo ku kombela bantu, Lya kaamba buyo kuti, “Amu bikke maanza aa balwazi, bayo pona.”

²⁷⁵ Cainoino buyo, oh, ngu... Ta ndaambi calino. I kaambo kakali mu mizeezo yangu lino. Ka kali kutandila myaka yotatwe na yone yakainda, na kwiinda. Twa kali moonya muno mu California. Banakazi bobilo bakasika kwinda awo, umwi wabo waka jisi ii—ii—ii cikoto ku busyu bwakwe, nkabela umwi umbi waka jisi penzi lya mwida. Elyo baka cisyoma buyo booboo. Nda kabikka maanza ali mbabo, a kuti, “Lino, Nda cita eci mu Zina lya Mwami Jesu.”

²⁷⁶ Cakali kutandila mweezi kwiinde ciindi. Oyo mulindu wakali kusola kulya, a penzi eelyo lya mwida, ta kakonzya buyo kucicita. Cifumo cimwi, “kulimvwa kwini kutontola kwavumpa” ngewe, waa kati, elyo waa kainka kuya kulya. Elyo waa kazuza kuselemukila kuya kwambila simukobo, a simukobo nyina wakali kudikimuna milembo, mbuli obo, kusola kujana cikoto eco caka siide busyu bwakwe busiku obo.

²⁷⁷ Mwabona, kosyoma buyo, beenzuma. Ikuti na Wa cita eco kuli umwi, Uyo cicita nkambo ka zyoonse. Elyo ncintu buyo citete kubikka kwa maanza. Elyo nce ncico Nca kaamba kucita. Ta tuzyi nzila mbo cibeleka. Ta ndizi mbo cibeleka. Cali ncisyomezyi Cakwe buyo. Wa kati ciya kucicita. Elyo Nda kajana makumi aa zyuulu, kuzunguluka inyika, ba ponesegwa buyo. Leza wakasyomezya kucicita, alimwi calo ncisyomezyo Cakwe. Mwabona, tu syoma buyo obo.

²⁷⁸ Lino, toonse tu boola kokuno. Elyo nywebo nomu takonzyi kunyamuka kabetu, kweenda nkoonya munsi, alimwi tu boola ku kukombela. Lino Ndi yanda umwi aumwi wanu no baalumi kuunka ncobeni antoomwe awa, kubikka maanza anu mukati muno, ikuti na mula cita, mponya ambali awo. Elyo Ndi yanda kwiima awa a kukomba, elyo mpawo boola kubikka maanza angu ali mbabo, akwalo. Yaa, konjila ncobeni awa. Nyoonse amuswene munsi loko, kutegwaa onse muntu akonzye kusika eno.

²⁷⁹ Oyandwa Leza, mu Zina lya Jesu Kristo, tuli muku kombela bantu aba, bamwi babo bali pengede, basunkuta. Awo alo maanza aa bakutausi abo, Mwami, ali muku jokela a kuzwa kuli umwi kuya kuli umbi. Nda komba kuti Uyo ponya umwi aumwi wabo, Mwami. Lekela Muuya Uusalala uboole aa bantu abo, umwi aumwi wabo, Taata. Elyo akube kuti Nguzu zipati zya Leza zitondezegwe ndyoonya lino, alimwi akube kuti baunke ku muunzi a kuba kabetu. Mukuziba ceeci, kuti Jesu wakati, “Ikuti na babikka maanza abo aa balwazi, bayo pona.” Wa kacisyomezya, Oyandwa Leza. Tula cisyoma. Tula cisyoma, nkaambo Wa kaamba booboo alimwi tu lizi kuti cili boobo, aboobo bantu aba bayooba kabetu. Mu Zina lya Mwami Jesu Kristo, Nda balongezya boonse. Ameni.

²⁸⁰ Leza aku longezya. [Kabeela katakwecintu aa teepu—Mul.]

²⁸¹ Moyo wangu ulatambula kunesegwa kuli umwi aumwi wanu. Nda syoma eco. Sa mula cisyma a ndime, umwi aumwi wanu lino? Kwa mana. Nda kamwaambila bwini, kuciimo buyo mbuli Mbwe bu zyi. Nda muyanda, alimwi Leza amu longezye. Elyo Nda—Nda syoma, a moyo wangu oonse, uyooba kabotu. Elyo akube kuti zilongezyo zyangu zibe a umwi aumwi wanu lino. Akube kuti Leza amu langilile aku mukwabilila. Muli mu mipailo yangu. Sa inga munondi kombela kuciindi Nda nooli mu Africa mbuli boobo? Nda—Nda muyanda. Elyo Njo mubona juunza masiku.



SENA LEZA ULACINCA MUZEEZO WAKWE? TNG65-0427
(Does God Change His Mind?)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa muli Bwabili mangolezya, Mukubwekaangala 27, 1965, ku muswaangano wabaiminizi ba Full Gospel Business Men's Fellowship International ku Embassy Hotel mu Los Angeles, California, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org